


ՀՈԿՏԵՄԲԵՐ 4-Ը՝ ԳԻՏՈՒԹՅԱՆ ՕՐ



Լուսանկարը՝ Մանան ԹԵՎՈՍՅԱՆԻ

Առաջին անգամ Հայաստանում, Գիտությունների ազգային ակադեմիայում մեծ շուքով նշվեց գիտության օրը՝ հոկտեմբերի 4-ը:

Այդ առթիվ ակադեմիան կազմակերպել էր միջոցառումների շարք: Ակադեմիայում հյուրընկալվեցին Երևանից և մարզերից ժամանած, դպրոցական օլիմպիադաներում հաղթած շուրջ 150 դպրոցականներ, որոնցից 15-ը հաղթել էին նաև տարբեր միջազգային օլիմպիադաներում: Դպրոցականներին շնորհավորեցին ՀՀ ԳԱԱ փոխպրեզիդենտ, ակադեմիոս-քարտուղար Էդուարդ Ղազարյանը, ակադեմիկոսներ Յուրի Շուքուրյանը, Եմիլ Գաբրիելյանը, Ազոլ Ֆ. Մանթաշյանը, Միջազգային գիտատեխնիկական կենտրոնի տնօրեն Նորբեր Ժուստենը, ՀՀ կրթության և գիտության նախարար Սերգո Երիցյանը:

յանը և այլք: Այս ակադեմիկոսները օլիմպիադաներում հաղթած երեխաներին հանձնեցին մրցանակներ և նվերներ: ՀՀ ԳԱԱ պատվոգրերով պարգևատրվեցին նաև «Քվանտ», «Անանիա Շիրակացի» վարժարանները, Գյումրիի N 1 կրթահամալիրը և Երևանի N 194 դպրոցը: Սրանք այն օջախներն են, որոնց սաները հաղթող էին ճանաչվել միջազգային օլիմպիադաներում: Ակադեմիկոս Էդուարդ Ղազարյանը շնորհավորելով պատանիներին՝ միաժամանակ նշեց, որ արժանի և բոլորը մեղավորներ իրեն չեն գոհացնում, պետք է աշխատել ոսկե մեդալներ բերելու ուղղությամբ: Նա նաև նշեց, որ բա-

ցառված չէ, որ այս դպրոցականներից շատերը վաղը համալրելու են գիտության նվիրյալների շարքերը, ուստի վերջիններիս համար հնարավորություն ընծեղվեց լինելու գիտական այն ինստիտուտներում, որոնք ապագայում նրանց հնարավոր աշխատատեղերն են լինելու:

Գիտության օրվա կապակցությամբ հայ գիտնականներին իրենց շնորհավորական ուղերձն էին հղել ՀՀ վարչապետ Անդրանիկ Սարգսյանն ու Աժ խոսնակ Արթուր Բաղդասարյանը: Վարչապետի ուղերձում մասնավորապես ասված է. «Արդի հասարակական կյանքն իրավամբ խարսխված է գիտության նվաճումների վրա, որոնց արդյունավետ օգտագործումը մեծապես կարող է նպաստել կուտակված

սոցիալ-տնտեսական, բնապահպանական և այլ կարևորագույն հիմնախնդիրների լուծմանը: Աշխարհի համեմատաբար բարձր համարում ունեցող հայաստանյան գիտությունն այսօր մեր պայմաններում կայանալու, համաշխարհային գիտության մեջ իր արժանի տեղը վերահաստատելու և զարգացման ուղիներ նախանշելու դժվարին խնդրի առջև է կանգնած, ինչը, վստահ եմ, հաջողությամբ կլուծվի՝ նպաստելով մեր գիտության հեղինակության բարձրացմանն ու Հայաստան երկրի հետագա բարգավաճմանը»:

Գիտության օրվա նվիրված միջոցառումների երկրորդ մասում գիտնականները բնարկեցին արդի գիտության առջև ծառացած մի շարք հարցեր, մասնավորապես՝ գիտությունը որպես տնտեսական զարգացման գործոն, պետական քաղաքականությունը գիտական ոլորտում, գիտության հնարավոր զարգացումը Հայաստանում, հնարավորությունները, ինֆրակառուցվածքը, ռեսուրսները, գիտության ոլորտները և միջազգային համագործակցության հնարավոր հաջողակ ուղիները և այլն: Ըստ Յուրի Շուքուրյանի, գիտությունը պետք է նպատակաուղղված լինի տնտեսության զարգացմանը: Գիտնականները փաստեցին նաև, որ ժամանակն է, որ մեր պե-

տությունը գիտության զարգացման ուղղությունները նախանշող որոշակի ծրագիր ունենա գոնե մինչև 2015 թվականի համար:

Իսկ ակադեմիկոս Եմիլ Գաբրիելյանի ելույթը վերաբերում էր միջազգային համագործակցության հնարավորություններին: Գիտնականը նշեց, որ այսօր պետք է ավելի նպատակաուղղված աշխատանք տանել միջազգային համագործակցության լայն ոլորտներ դուրս գալու ուղղությամբ, ինչը հնարավորություն կտա լուծելու ոչ միայն ինչ-ինչ ֆինանսական խնդիրներ, այլ նաև կապահովի գիտության զարգացումը:

Միջազգային համագործակցության մի հնարավորություն էլ հայ գիտնականներին ընձեռում է Միջազգային գիտատեխնիկական կենտրոնը: Հայաստանը ՄՊՏԿ-ին անդամակցել է 1994 թվականից: Այս 10 տարիների ընթացքում ՄՊՏԿ-ն Հայաստանում մոտ 100 գիտական ծրագրեր է ֆինանսավորել, որի ընդհանուր գումարը կազմում է 20 մլն դոլար: Սակայն այս ամենը տեխնիկական գիտությունների և բնագիտության ոլորտում: Իսկ հայագիտությունը, ըստ ակադեմիկոս Վլադիմիր Բարխուդարյանի, պետք է լինի մեր պետության հոգածության առարկան:

Նարինե ՎԵՐԳԻՆՅԱՆ

Գիտության օրվա առթիվ՝ գիտության արդի պրոբլեմների մասին. մեր թերթի այսօրվա համարում

Նորեյսան մրցանակը՝ ամերիկացի գիտնականներին

Ամերիկացի Ռիչարդ Աբսելը և Լինդա Բաբբը հոտառության ընդունիչների ոլորտում կատարած հայտնագործության համար ճանաչվել են 2004 թվականին ֆիզիոլոգիայի և բժշկագիտության բնագավառում Նորեյսյան մրցանակի դափնեկիրներ: Այս որոշման մասին հոկտեմբերի 4-ին հայտարարել է Ստոկհոլմի Սոլմա արվարժանուն գտնվող կարոլինյան բժշկավիճարկական ինստիտուտը:

Գյումրին՝ գիտական խոշոր կենտրոն

(անշուշտ՝ Երևանից հետո)

ԲԱՅՆԱՄԱԿ

ՀՀ Նախագահի պրն ՌՈԲԵՐՏ ԲՈՉԱՐՅԱՆԻՆ

Վերջին տարիներս հսկայածավալ շինարարական աշխատանքներ ծավալվեցին Գյումրիում: Գյումրի էր ուղղորդվել Լինդա Բաբբի ղեկավարությամբ, հանրապետության բյուջեի և սեփականաշնորհման արդյունքների ֆինանսական շոշափելի հոսքեր: Երկու-երեք տարվա ժամանակահատվածում այդպիսի ծավալներով շինարարա-

կան աշխատանքներ Գյումրիում չէր եղել, նույնիսկ երկրաշարժից առաջ: Աշխատանքներն ընթանում էին ամենաբարձր 2-րդ վերահսկողության ներքո: Արդյունքում կառուցվեցին ու վերակառուցվեցին մեծ բանակայաններ բնակելի շենքեր, հիմնականում բավականին զեղեցիկ և բնակարանային լավագույն հարմարություններով: Բնա-

կարաններ ստացան երկրաշարժի հետևանքով բնակարաններ կորցրած քաղաքի մեծ թվով ընտանիքներ: Ենթադրվում է, այդ խնդիրը վերջնականապես չլուծվեց, սակայն այն մեծամասամբ իրագործվեց: Հիմնովին վերաշինվեցին և վերանորոգվեցին քաղաքի մայր փողոցները: Քաղաքը որոշակի տեսքի

եկավ: Ենթադրվում է, քաղաքաշինական առումով հսկայական աշխատանքներ դեռ կան անելու, սակայն արվածը՝ քաղաքի համար ունեցավ սկզբունքային և հիմնարար նշանակություն:

Սակայն ակնհայտ է, որ քաղաքաշինական, բնակարանաշինական և մշակութային օջախների վերաստեղծման հիմնախնդիրների կողքին, Գյումրիի պարագայում, ամենաառաջնային հիմնախնդիրը եղել է մնում է նրա տնտեսական առաջընթացը: Այս ասպարեզում իրադրությունը չափազանց բարդ է: Թեպետ մեր քաղաքի պատգամավորներին ի վերջո հաջողվեց Աժ-ում Գյումրիի վերաբերյալ ա- ➔ 4

«Ներսես Աշտարակեցի՝ պաշտպան հայրենյաց»

Օշականի «Մեսրոպ Մաշտոց» դպրատանը տեղի ունեցավ «Ներսես Աշտարակեցի՝ պաշտպան հայրենյաց» գիտաժողովը՝ նվիրված Ներսես Աշտարակեցի կաթողիկոսի գահակալության 160, Արևելյան Հայաստանը պարսկական լծից ազատագրելու 175, Ներսիսյան դպրոցի հիմնադրման 180, Աշտարակ քաղաքի դպրոցը նրա անունով կոչելու 135-ամյա տարելիցներին:

Այս նստաշրջանն արդեն հինգերորդն է, որ Օշականի Մ. Մաշտոցի դպրատան հետ համատեղ կազմակերպում է ՀՀ Գիտությունների Ազգային ակադեմիան: Նստաշրջանի աշխատանքներին մասնակցում էին ՀՀ ԳԱԱ հումանիտար գիտությունների բաժանմունքի ինստիտուտների, Պետական համալսարանի և

Խ. Աբովյանի անվան մանկավարժական համալսարանի հայագիտական ամբիոնների, Մատենադարանի, Հայաստանի արխիվների, Ազգային պատկերասրահի աշխատակիցները: Երկու տասնյակից ավելի զեկուցումները նվիրված էին Ն. Աշտարակեցու կյանքին և գործունեությանը, հայ եկեղեցու, ժողովրդի ու պետության ճակատագրում նրա ունեցած դերին: Ներկայացված էին «Ներսես Աշտարակեցին և իր ժամանակը» (Վ. Բարխուդարյան), «Ներսես Աշտարակեցին Բեսարաբիայի և Նոր Նախիջևանի թեմի առաջնորդ» (Վ. Միքայելյան), «Անդրադարձ Ներսես Աշտարակեցու շինարարական գործունեությանը» (Վ. Հարությունյան), «Ամենայն Հայոց կաթողիկոս Ներսես 5-րդ Աշ-

տարակեցին 19-րդ դարի ռուսաց պատմագիտական և հասարակական-քաղաքական մտքի գնահատմանը» (Մ. Մուրադյան), «Ներսես Աշտարակեցին ազգային վիճակագրության առաջնեկ» (Պ. Մուրադյան) և ուրիշ զեկուցումներ:

Գիտաժողովը անցկացվեց Ամենայն Հայոց կաթողիկոս Ն.Ս.Օ.Տ.Տ. Գաբրիել Բ-ի բարձր հովանավորությամբ: Այն ղեկավարում էր ՀՀ ԳԱԱ փոխպրեզիդենտ, ԳԱԱ հասարակական գիտությունների բաժանմունքի ակադեմիկոս-քարտուղար Վլադիմիր Բարխուդարյանը, որն, ի դեպ, դպրատան գիտական խորհրդի հիմնադիրներից է:

Նստաշրջանի աշխատանքները ողջունեցին Հայաստանում Ռուսաստանի արտակարգ և լիազոր դեսպան Վ. Դրյուկովը և Արագածոտնի մարզպետ Գ. Գյոզալյանը:

ՄԵԼԻՆԵ ՍԱՐԳՍՅԱՆ



Ինչպես հաղորդում են ամերիկյան լրատվական միջոցները, գիտնականներին հաջողվել է գրանցել հեռավոր երկու զալակտիկաների բախումը: Դժվար է, սակայն, ասել, թե երբ է այն տեղի ունեցել: չէ որ հեռավոր զալակտիկաներից ինֆորմացիան մեզ կարող է հասնել միլիոնավոր տարի անց...



Տեղեկատվական օր

ՀՀ Գիտությունների ազգային ակադեմիայի եվրոպական Վեցերորդ շրջանակային ծրագրի (ՎՇԾ) Ազգային տեղեկատվական կենտրոնը սեպտեմբերի 27-ին կազմակերպել էր «Եվրոպական Միության Վեցերորդ Շրջանակային ծրագիր. մասնակցության և ֆինանսավորման հնարավորությունները» խորագրով տեղեկատվական օր, որի նպատակն էր Հայաստանի գիտահետազոտական ինստիտուտների ներկայացուցիչներին և գիտական լայն հանրությանը ներկայացնել այն հնարավորությունները, որոնք ընձեռվում են մեր երկրի գիտահետազոտական կենտրոններին տվյալ ծրագրի շրջանակներում եվրոպական գործընկերների հետ համատեղ հետազոտություններ իրականացնելու և ֆինանսավորում ստանալու համար:

Սույն Տեղեկատվական օրը հերթական էր եվրոպական գիտահետազոտական ծրագրերի, մասնավորապես, ՎՇԾ-ի մասին ընդհանուր իրազեկության բարձրացման և Հայաստանի կազմակերպությունների մասնակցության խթանման ուղղությամբ իրականացվող նմանատիպ միջոցառումների շարքում, որին հրավիրվել էին մասնակցելու եվրահանձնաժողովի Կրասնոյարսկի և Հայաստանում առաքելության բաժնի ղեկավար պրոֆ. Գերարդ Գալլերը, ԻՆՏԱՍ կազմակերպության Տնտեսագիտական, հասարակական և հումանիտար գիտությունների համար պատասխանատու աշխատակից Գյուլնարա Ռուր, ՎՇԾ-ի Հունական կոնտակտային HELF-FORWARD NETWORK կազմակերպության ներկայացուցիչներ Վասիլիոս Ցակալոսը և Անաստասիա Կոնստանտինուն: Միջոցառմանը մասնակցեցին և ողջունեցին խոսքով հանդես եկան ՀՀ ԳԱԱ փոխպրեզիդենտներ Եմիլ Գաբրիելյանը և Յուրի Շուբարյանը:

Միջոցառմանը ներկա էին ավելի քան 60 մասնակիցներ, որոնք ներկայացնում էին ՀՀ ԳԱԱ տարբեր ինստիտուտները, ՀՀ կրթության և գիտության նախարարությունը, ՀՀ Առևտրի և տնտեսական զարգացման նախարարությունը, Երևանի Պետական համալսարանը, ճարտարագիտական համալսարանը, Բժշկական համալսարանը, Գյուլիստանյան ակադեմիան, տարբեր գիտատարողական միավորումներ և հասարակական կազմակերպություններ:

Հրավիրված արտասահմանյան հյուրերը և Տեղեկատվական կենտրոնի համակարգող Ֆիդրան Արզումանյանը զեկուցումներ ներկայացրեցին ՎՇԾ-ում Հայաստանի մասնակցության վերջին տվյալների, ԻՆՏԱՍ կազմակերպության շրջանակներում ֆինանսավորում ստանալու հնարավորությունների, ՎՇԾ-ում մասնակցության Հունաստանի փորձի, ՎՇԾ-ի շրջանակներում իրականացվող միջազգային համագործակցության, ինչպես նաև ՎՇԾ-ի շրջանակներում հաջող նախագիծ ներկայացնելու հմտությունների վերաբերյալ:

Մասնավորապես, իր զեկուցման մեջ պարոն Գալլերը նշեց, որ Վ.Շ. Կարիքի դրությամբ ՎՇԾ-ի շրջանակներում ներկայացվել է մոտ 30 նախագիծ Հայաստանի գիտահետազոտական կազմակերպությունների և խմբերի մասնակցությամբ, որոնցից միայն մի քանիսն են հաջողությամբ պսակվել և ստացել ֆինանսավորում: Այսպիսի ցածր ցուցանիշը կարելի է վերագրել ծրագրի ընդհանուր բարդությանը և մի քանի եվրոպական գործընկերների կազմված «կոնսորցիումներում» մասնակցության անհրաժեշտությանը: Բացի այդ, բավականին խիստ է մրցակցությունը ծրագրի շրջանակներում և հաջողության հավանականությունը միջին հաշվով կազմում է 15-18 տոկոս: Հուսով ենք, որ եվրամիություն-Հայաստան գիտահետազոտական համագործակցության խթանման ուղղությամբ ՀՀ ԳԱԱ ղեկավարության ջանքերը և ՎՇԾ Ազգային տեղեկատվական կենտրոնի նպատակասլաց գործունեությունը կնպաստեն Հայաստանի գիտահետազոտական կազմակերպությունների ավելի ակտիվ մասնակցությանը ՎՇԾ-ում: Ինչպես նշեց Տ. Արզումանյանը, այդպիսի լավատեսության համար առկա են համապատասխան նախադրյալներ և ունեցած տվյալների համաձայն, Վ.Շ. սեպտեմբեր ամսին վերջնաժամկետ ունեցող ՎՇԾ տարբեր ծրագրերում ներկայացվել է մոտ տասն նախագիծ Հայաստանի գիտահետազոտական խմբերի մասին: Մի քանի նախագիծ են նախապատրաստվում նաև մինչև տարվա վերջ վերջնաժամկետով հայտարարվող ներկայացման մրցույթներին մասնակցելու համար:

Լրատվական ծառայություն

Ֆինանսավորում, տեխնիկական ապահովվածություն, պետական հոգածություն...

Մեծ գիտնական Լուի Պաստերը գրել է. «Մարդկությունն առանձնացնում է հիմնարար և կիրառական գիտությունները, որտեղ առաջինը սնունդ է տալիս երկրորդին: Բայց իրականում գոյություն ունի հիմնարար գիտություն և նրա շարունակությունը, որը դառնում է կիրառական»: Ֆիզիոլոգիան այս դեպքում դասական օրինակ է: Ավելին, մեր ֆիզիոլոգներն այս կապը բացատրում են առավել համակարգված և բանաձևի տեսքով, տալիս նրա տրամաբանական շարունակությունը՝ հիմնարար գիտություն-կիրառական գիտություն-արտադրություն:

Հետաքրքիրն այն է, որ կենսաբանական գիտությունների թեկնածու Արմեն Ոսկանյանը, որը զբաղվում է օրգանիզմի վրա թույների ազդեցության ուսումնասիրությամբ, նշում է, որ այսօրվա հայկական իրականության մեջ հիմնարար գիտությունը հորիզոնային Միության մնացորդային ժառանգություն է և այն չի կարող համաքայլ ընթանալ այս ասպարեզում համաշխարհային նվաճումների հետ չունենալով համապատասխան ֆինանսավորում, տեխնիկական ապահովվածություն և պետական հոգածություն: Սակայն նույնիսկ նման պայմաններում հիմնարար գիտությանը զբաղվող գիտնականները ձգտում են պատշաճ մակարդակով կազմակերպել իրենց աշխատանքները: Օրինակ՝ հեպարինի որպես օժի խայթոցի դեմ հակաթույնի կիրառման առաջարկությամբ, պարոն Ոսկանյանը փաստորեն սկսում է վերոհիշյալ բանաձևի միջին օղակից: Գիտնականը հավաստիացնում է, որ հիմնարար հետազոտությունները, կապված մարդու օրգանիզմում ջերմաստիճանի փոփոխության, օրգանիզմի ներսում հեղուկների վերաբաշխման, մազանոթային ցանցից հեղուկների կորստյան և այլ պրոցեսների հետ, բավարար չափով կատարված են: Տասնյակ տարիներ շարունակ կա նաև հեպարինի արտադրությունը: Բանն այն է, որ հեպարինը չուրեք երկու անգամ նվազեցնում է տոքսիկությունը օրգանիզմում: Դա նշանակում է,

որ այն օրգանիզմ մղված թույնի մահացու չափաբաժինը կարող է դարձնել միջին ծանրության, դրանով իսկ փրկել մարդու կյանքը: Նույնը կարելի է ասել ասպիրինի մասին, որը ներգործում է ոչ այնքան արդյունավետ, որքան հեպարինը: Պարզապես ասպիրինը հակաթորոցիչ է, որը կասեցնում է կան որոշ չափով մեղմացնում պրոստոգլանդինների (հիմնական բորբոքային պրոցեսներին զուգորդող նյութերի) սինթեզը օրգանիզմում: Բացի այդ, տվյալ դեպքում ասպիրինի առավելությունը արյունը ջրիկացնելու հատկությունն է:

Բավականին երկար ժամանակ ռուս և ամերիկացի գիտնականների միջև վիճաբանություն է ընթացել հեպարինի օգտակարության շուրջ: Ռուս գիտնականները պնդում էին, որ հեպարինը օգտակար է, ամերիկացիները փորձում էին հակառակը համոզել: Ըստ պարոն Ոսկանյանի վիճաբանող երկու թևերն էլ ճիշտ են. խնդիրը ոչ թե նյութի բաղադրությունն է, այլ նրա բժշկական ազդեցության ժամանակի ճշգրիտ ընտրությունը: Ամեն ինչ կախված է այն բանից, թե խայթոցից բանի թույն անց կենթարկվի հեպարինը: Կենսաբանորեն դա այսպես է բացատրվում. առաջին 15 րոպեների ընթացքում գնում է արյան մակարդակը: Հեպարինը պետք է ներարկվի այս ժամանակահատվածում: Թերևս ապահովության համար գիտնականը կրճատում է այս հատվածը և թույլատրելի համարում առաջին 5-7 րոպեն: 15 րոպե անց արյունը սկսում է ջրիկանալ, և բնականաբար, հեպարինի ներարկումն արդեն կունենա բացասական ազդեցություն: Սա պետք է իմանան գոնե այն անձինք, ովքեր այս պարագայում պատկանում են մեծ ռիսկի խմբերին, օրինակ՝ դաշտում աշխատող գյուղացիները, երկրաբանները, հնէաբանները, արտակարգ իրավիճակների կազմակերպությունների աշխատակիցները, լեռնագնացները, տուրիստները և վերջապես զինծառայողները: Ի դեպ, գիտնականն արդեն առաջարկել է բանակում կիրառել հեպարինը: Ոչ

որի չի խանգարի, եթե մեր դիրքերում գտնվող զինծառայողներն իրենց ծամպրուկներում ունենան մեկ սրվակ հեպարին և մեկ ներարկիչ, մանավանդ, որ Հայաստանի բնությունը հարուստ է թունավոր օժերով: Հարց է առաջանում՝ որքանով են գրագետ և տեղեկացված մեր զինծառայողները և կկարողանան արդյոք ի շահ իրենց օգտագործել նշված դեղամիջոցը:

Ինչպես ասում են, չկա չարիք առանց բարիքի: Հայաստանում և հատկապես Լեռնային Ղարաբաղում տարածված Կովկասյան գյուղագետական օժերից կորզվում է թույն, որը ճիշտ վերանշակման դեպքում վերածվում է շատ արժեքավոր նյութի: Այս գաղափարով ՄԴԳ EXPO-2004 ցուցահանդեսին ներկայացված ՀՀ ԳԱԱ Լ. Օրբելու անվան ֆիզիոլոգիայի ինստիտուտի ֆիզիոլոգներն ակտիվ նյութերի գտնման և ստանդարտացման լաբորատորիան Արմեն Ոսկանյանի ղեկավարությամբ և «Բանարար» հասարակական կազմակերպությունը, որի ուշադրության կենտրոնում են Հայաստանի բուսական և կենդանական աշխարհին պատկանող կենսաբանորեն ակտիվ նյութերը: Գյուղային թույնը ներկայացվեց իբրև դեղահումք բյուրեղացված վիճակում, որի օգտագործման ժամկետը ավելի քան քսանհինգ տարի է: Այն հիմնականում բաղկացած է տասնվեց և ավել ֆերմենտներից, որոնք օգտագործվում են տարբեր բուժական և ախտորոշիչ նպատակներով: «Թույնը մեզ համար լավ ռեսուրս է. նշում է պարոն Ոսկանյանը, բայց այդ ռեսուրսը վաճառելը սխալ կլինի: Եթե այդ հումքը վերանշակվի մեր երկրում, նրա յուրաքանչյուր գրամը պատաստի արտադրանքի տեսքով վաճառքի դեպքում շատ ավելի մեծ շահույթ կբերի մեզ»:

Ինձ լրագրողիս համար, անարդարացի է, որ բնությունը մեկին նվաճե և շոյալուն, մյուսին՝ թունավոր գյուղա: Իսկ դու, գիտնական, ստիպված ես անընդհատ վերծանել նրա առեղծվածները և կորզել նրանից առավելագույնը:

Գրեմա ԼՈՒՅՍԿԱՆՅԱՆ

Հստակեցվեցին ուղղությունները...

Ռուսաստանի Դաշնության Հարավային Դաշնային տարածաշրջանի գիտնականների պատվիրակությունը այցելեց Երևան: Պատվիրակությունը գլխավորում էր Հարավային գիտական կենտրոնի նախագահ, ՌԴ ԳԱ ակադեմիկոս Գեմադի Մատիշովը:

Պատվիրակությունը ծնունդ հայ գիտնականների հետ համագործակցության ոլորտները: Համագործակցությունը նախատեսված է Հայաստանի գիտությունների ազգային ակադեմիայի և Ռուսաստանի գիտությունների ակադեմիայի միջև կնքված պայմանագրով, ինչպես նաև այն համաձայնագրով, որը ՀՀ ԳԱԱ պրեզիդենտ Ֆադեյ Սարգսյանը և Ռուսաստանի գիտությունների ակադեմիայի Հարավային գիտական կենտրոնի նախագահ Գեմադի Մատիշովը ստորագրել են Դոնի Ռոստովում հայկական պատվիրակության հունիսյան այցի ժամանակ:

Ռուս գիտնականների այցի ընթացքում հստակեցվեցին համագործակցության առավել հեռանկարային ուղղությունները: Մասնավորապես, հետաքրքրություն է դրսևորվել բնապահպանական, բժշկական հետազոտությունների, տեղեկատվական և նախնախնայողականների ոլորտի, գիտության պատմության, կրթական ծրագրերի նկատմամբ: Ինչպես սեպտեմբերի 22-ին ասուխում հայտարարեց Ֆ. Սարգսյանը, Հայաստանի կառավարությունը հավանություն է տվել նախանշվող համագործակցությանը: Իր հերթին Գ. Մատիշովը ևս նշեց, որ համագործակցությունը ստացել է ՌԴ կառավարության աջակցությունը:

Ինգա ՉԱՌԷՅԱՆ

Ազգային միասնության գաղափարը՝ գործունեության հիմք

Հայ գրականության ուսումնասիրությունը մոր մոտեցումներ է պահանջում: Այս կարծիքին է ժամանակակից գրականագետների մեծ մասը: «Կապված հասարակական-քաղաքական կյանքի, ինչպես նաև մոր հազարամյակի փոփոխությունների հետ՝ իրապես մեծ բեկումներ կատարվեցին մեր հոգևոր կյանքում, նշում է ՀՀ ԳԱԱ Ս. Աբեղյանի անվան գրականության ինստիտուտի տնօրեն, բանասիրության դոկտոր Ազատ Եղիազարյանը, մենք պարզապես պարտավոր ենք թարմացնել մեր հայացքը գրականության նկատմամբ, հետևաբար ստեղծել հայ գրականության մոր պատմություն»:

Այն նախատեսվում է գրել առաջին տարիներին, վեց հատորով՝ հին, մոր և նորագույն շրջանների ընդգրկումով: Ըստ պարոն Եղիազարյանի նույնիսկ Մամուկ Աբեղյանի նման մեծ մարդու ուսումնասիրությունները՝ նվիրված հայ հին գրականության պատմությանը, այսօր արդեն չեն կարող բավարարել: Մենք ունենք նշված ինստիտուտում ստեղծված «Հայ մոր գրականության պատմության» հինգհատորյակը, որը ժամանակին պետական մրցանակ ստացավ, ինչպես նաև Սուրեն Աղաբաբյանի երկհատոր «Արդի հայ գրականության պատմությունը», որը մասնագետների գնահատմամբ դարձյալ բարձրարժեք աշխատություն է: Այս ստեղծվածը հիմք է, որի վրա հենվելով պետք է առաջ գնալ: Նորաստեղծ պատմությունը հեղինակող գրականագետների խմբի անդամներ ակադեմիկոս Սերգեյ Սարինյանի, դոկտորներ Ալբերտ Մուշեղյանի, Գրիգոր Հակոբյանի, Մարգարիտ Խաչատրյանի, գիտությունների թեկնածուներ Վարդա Ներսիսյանի, Արամ Ալեքսանյանի, Ամալյա Ալեքսանյանի, Սաթենիկ Ավետիսյանի և այլոց նպատակն է պահպանել մեկ միասնական հիմնադրույթ և որոշ միասնական սկզբունքներ: Թերևս առաջին անգամ մեզ կհրամցվի հայ գրականության պատմությունը մեկ ամբողջության մեջ, ներառելով միջնադարյան, արևելահայ, արևմտահայ, Սփյուռքի և հորհրդային Հայաստանի գրականությունները որպես համահայկական մշակութային երևույթ՝ իր տարբեր դրսևորումներով:

«Այս մոտեցման հիմքում ընկած է



Այս քաղաքացի փողոցի մայրին նկատել է թղթի մի կտոր: Անսպասելի առարկան թույլ չի տալիս իր քաղաքը հարգող գիտնականին անտարբեր անցնել: Բրիտանական «Նյու Սայնս» («Նոր գիտնական») հանդեսից լուսանկարիչը որպեսզի է պահել, երբ գիտնականը հակառակ իր պատկանելի տարիքին, կրացել է մայրը տեսքից գոյող առարկան վերցնելու: Քաղաքն ու երկիրը սիրելի լուսանկարիչը: Հիշե՛ք... Իսկ դուք մի թույլ վերցրե՛ք՝ եք մայրից կամ ինքներդ չե՛ք դարձել կեղտոտության հեղինակը:

ՌԻՍՏԱՍՏԱՆԻ Դաշնությունում հարյուրավոր գիտական ինստիտուտներ կան, սակայն դրանցից շատ քչերն են կրում իրենց հիմնադրի անունը: Այդպիսի պատիվ վիճակում է ամենաշնամավոր գիտնականներին: Ոչ շատ վաղուց Տեսական և փորձարարական ֆիզիկայի ինստիտուտին, որն ամեն ինչի գաղտնիացման խորհրդային տարիներին կոչվում էր «Լաբորատորիա N 3» (ապագա Կուրչատովյան կենտրոնը՝ «Լաբորատորիա N 2»), շնորհվեց ակադեմիկոս Աբրահամ Ալիխանովի անունը:

Այսօր լայն հասարակացությանն այս անունը քիչ բան է ասում: Սակայն, երբ Ստալինը փնտրում էր խորհրդային Միության միջուկային ծրագրի գիտական ղեկավարի թեկնածու, ընտրվում էր երկու մարդու անուն՝ Կուրչատով և Ալիխանով: Զարգույթ է գտնվում էր պատվում նաև, որ եթե Կուրչատովի ղեկավարությամբ միջուկային ռումբի ստեղծումը գլուխ չգար, նրան փոխարինելու էր Ալիխանովը:

Ինչո՞ւ նախապատվությունը տրվեց Կուրչատովին՝ հիմա դժվար է պարզել: Կա մի բանի ենթադրություն: Ասում են, թե Ստալինի հետ անձնական գոյության ժամանակ Ալիխանովը չափազանց անկախ է պահել իրեն: Գուցե թե դեր է խաղացել նաև այն հանգամանքը, որ Ալիխանովը կուսակցության անդամ չէր: Թերևս նաև նրա կոպիտության ծագումը: Կամ գուցե կռահվում էր նրա չսիրահարածությունը խորհրդային իշխանության նկատմամբ:

Տարիներ անց դեմոկրատիզմով և արատավոր պաշտոնականության բացակայությամբ առանձնացող Ալիխանովի ինստիտուտում աշխատում էր խորհրդային ամենանշանավոր աշխատանքներից մեկը՝ ֆիզիկամաթեմատիկական գիտությունների դոկտոր Յուրի Օւլոնովը:

Հետաքրքրական է մի փաստ: 1943 թվականին Գիտությունների ակադեմիայի ընտրությունների ժամանակ ակադեմիկոս ընտրվեց հենց Ալիխանովը, որն այդ ժամանակ արդեն համաշխարհային ճանաչում ուներ: Իսկ Կուրչատովի համար ԽՍՀՄ Կենտկոմի պնդմամբ լրացուցիչ տեղ հատկացվեց, այլապես ընտրությունները համարվելու էին չեղյալ: Եվ, այնուամենայնիվ, անպայման նշենք, որ Կուրչատովը և Ալիխանովը միշտ մնացին լավ ընկերներ: Ի դեպ, Ալիխանովի թշնամիները հիմնականում կուսակցական բյուրոկրատիայի շարքերում էին, և որոնք էլ հաճախ էին նրա ինստիտուտը ենթարկում «մաքրման»:

Ալիխանովը ծնվել է Անդրկովկասյան երկաթուղու շրջաօղակի մեքենավարի ընտանիքում: Մեզ

հայտնի է, որ մեքենավարները այն ժամանակ պատկանում էին բանվորական արիստոկրատիայի դասին: Ընտանիքի բոլոր չորս զավակներն էլ բարձրագույն կրթություն ստացան, իսկ եղբայրներից մեկը՝ Արտեմ Ալիխանովը, դարձավ ԽՍՀՄ Գիտությունների ակադեմիայի թղթակից-անդամ, հիմնադրեց Հայաստանի ֆիզիկայի ինստիտուտը:

Աբրահամ Ալիխանովը արվեստ

Սերգեյ ԼԵՍԿՈՎ

Գիտականի ճակատագիրը

Ակադեմիկոս Ալիխանովը կարող էր լինել Կուրչատովի տեղը

տի մուրբ գիտակ էր: Նրա կինը՝ Սլավա Ռոշալը, ջութակահարների միջազգային մրցույթի դափնեկիր էր: Ալիխանովը շատ մտերիմ էր Օբորինի, Յուդինայի, Կաբալևսկու, Խաչատրյանի, Սարյանի հետ:

Մոսկվայի Չերյոմուշկայում գտնվող Ալիխանովի բնակարանը այն հազվագյուտ տեղերից մեկն էր, ուր նյարդայնությամբ հայտնի Շոստակովիչը ժամերով կարող էր մնալ և լավ զգալ իրեն: Շոստակովիչը հաճախ էր սիրում կրկնել. «Աբրահամ Իսակովիչ, դուք հիանալի բնակարան ունեք, սակայն ինչպե՞ս եք կարողանում այդքան հեռու ապրել կոնսերվատորիայից»:

Այն ժամանակ մոսկովյան Չերյոմուշկա գյուղը, ուր կառուցվել էր Տեսական և փորձարարական ֆիզիկայի ինստիտուտի շենքը, թվում էր, թե գտնվում է աշխարհի ծայրին: Ի դեպ, երբ ինչ-որ մի ժամանակ երկրով մեկ բուռն ընթարկումներ ծավալվեցին ֆիզիկայի և լիդիայի մասին (այլ խոսքով՝ աշխարհի ռադիոնալության և արվեստի ավելորդ լինելու մասին), մամուլում առաջինը հանդես եկավ Ալիխանովը (երեքուրդից էլ առաջ) և այդ բանավեճը որակեց անհեթեթություն և բացարձակ ապուշություն: Նա սիրում էր կրկնել ակադեմիկոս Վիկտոր Համբարձումյանի այն խոսքերը, որ «մարդը խոզից տարբերվում է մասնավորապես նրանով, որ երբեմն նայում է աստղերին»:

1955 թվականին, երբ խորհրդային Միությունում հաջողությամբ փորձարկվեց առաջին քառնային ռումբը, ծրագրի ղեկավարներ, ակադեմիկոսներ Կուրչատովը, Ալի-

խանովը, Ալեքսանդրովը և Վինոգրադովը, նամակ ուղարկեցին Կենտրոնական կոմիտեի ղեկավարությանը, ուր ասվում էր, թե գերզենքի ստեղծումից հետո համաշխարհային նոր պատերազմը դադարում է անկարելի, այն կհանգեցնի մարդկության ոչնչացմանը, և դրա համար էլ անրաժեշտ է մշակել միջազգային նոր քաղաքականություն: Մալենկովը այս հակապատերազմյան նամակին հավա-

յին ռումբի ստեղծմամբ զբաղվող Տեխնիկական կոմիտեի հատուկ խորհրդի գիտնական-քարտուղար: Սակայն գիտնականի կյանքի ուղին միայն վարդերով չէր զարդարված: Նրա ինստիտուտի խնդիրներից մեկը թորիումային ռեակտորի ստեղծումն էր: Այդ առաջադրանքը չկատարվեց: Սակայն այն չի իրականացվել նաև այսօր, ոչ մի տեղ աշխարհում: Ալիխանովը ծանր էր տանում անհաջողությունները և մանավանդ՝ վարչական կամայականությունները: Երբ 1960-ականների վերջերին նրա ստեղծած պրոտոնային արագացուցիչը տվեցին ուրիշ ինստիտուտի, նա, որ դեռ տարիքը չէր առել, բայց արդեն հիվանդ էր, այլևս չդիմացավ...

Աբրահամ Ալիխանովը սերված էր Պիտերի ֆիզտեխի Իոֆֆե հայրիկի ճշմարիտ դպրոցից: Դա գիտնականների այն սերունդն էր, որոնք ստեղծեցին խորհրդային գիտության փառքը:

Օժտվածների, տաղանդների անբացատրելի, անսովոր բռնկում էր դա: Պատմությունը նման օրինակներ գիտի, երբ, օրինակ, մի տեղ հանկարծ մեկը մյուսի ետևից փաշտապանում են համաշխարհային մեծության աստղեր, ինչպես անտիկ ժամանակներում՝ փոքրիկ Աթենքում, Ռեզերֆորդի ժամանակների Քենթերբուրի-Լ ալյն:

Արդեն տարիքն առած, աշխարհառչակ գիտնականներ և վաստակաշատ ակադեմիկոսներ, նրանք հաճախ էին հավաքվում Ալիխանովի ամառանոցում: Ալիխանովի այն բողոքներին, թե կինը չի թողնում իրեն մոտենալ էլեկտրասարքավորումներ, Կապիցան ծիծաղում էր. «Մի վշտանա, Ռեզերֆորդին էլ նրա կինը չէր թողնում անգամ մորոզել դռների փականները»: Լանդաուն, որ առանձնապես չէր սիրում երաժշտություն, Ալիխանովին հեգնում էր. «Չեմ հասկանում ինչո՞ւ երգել, երբ կարելի է խոսել»:

Ողբերգական վթարից մի քանի ժամանակ առաջ Լանդաուն ասում էր Ալիխանովին. «Ես այնպե՛ս, այնպե՛ս եմ վախենում ֆիզիկական ցավից, որ եթե ինձ հանկարծ վիրահատեն, կճռում, կգոռում ողջ Մոսկվայով մեկ»:

Շատ ժամանակ չանցած մեծահռչակ Լանդաուն ահավոր ավտովթարի ենթարկվեց: Ալիխանովը տեղը չէր գտնում. նա վազում էր այս ու այն կողմ, օգնություն կազմակերպում ամենաբարձր օդակներում: Իսկ երբ վերադառնում էր հիվանդանոցից, նրա աչքերը արցունքներից կարմրած էին լինում:

Աբրահամ Ալիխանովը Լանդաունից հետո երկար չապրեց. ակնամավոր ֆիզիկոսին թաղեցին Մոսկվայի Նովոդևիչյե գերեզմանատանը:

ԻՆՏԵՐՆԵՏԻՅԱ



Ազգային ժողովին

Ազգային ժողովի մեծարգո պարոն նախագահ: Գիտությունների ազգային ակադեմիայի Հայրենական պատերազմի, աշխատանքի և զինված ուժերի միասնական կազմակերպության պահանջով դիմում եմ Ձեզ մեզ համար շատ կենսական մի խնդրով:

Դուք և Օրինաց երկիր կուսակցությունը բազմիցս հայտարարել եք վետերանների և հաշմանդամների սոցիալական վիճակը բարելավելու ձեռք բռնակառնությունը՝ բարձրացնելով նրանց թոշակները և արտոնությունները: Դա Ձեր նախընտրական ծրագրի կարևորագույն կետերից մեկն էր:

Վերջերս Ազգային ժողովը ընտրել է և ընդունել է Օրենք՝ նշված խմբերի անձանց համար նախատեսված արտոնությունների դիմաց ամսական վճարել 3500 դրամ:

Այդ Օրենքով վերացվեց նշված անձանց տրանսպորտով ծրագրի ենթակետը, ջրի, գազի և էլեկտրաէներգիայի ծախսերը 50 տոկոս վճարելու և անվճար սանատորական բուժման իրավունքները:

Նշենք, որ 3500 դրամ գումարը չի կարող բավարարել նույնիսկ տրանսպորտային ծախսերը (3500:30 = 115 դրամ):

Մեր կազմակերպության անդամները գտնում են, որ նշված Օրենքը պետք է վերանայվի՝ վերականգնելով վետերանների, հաշմանդամների և վերականգնվող սանատորական ծրագրի բուժման իրավունքները:

Խնդրում ենք Ձեզ հաշվի առնել վետերանների պահանջները՝ հնարավորության սահմաններում նրանց սոցիալական վիճակը բարելավելու համար: Այդ կինն մեծ նվեր պատերազմի հաղթական ավարտի 60-ամյակի նախօրյակին:

Խորին հարգանքներով
Մամիկ ՄԻՐՉԱՅԼԻ

ԳԼԱ Հայրենական պատերազմի, աշխատանքի և զինված ուժերի միասնական կազմակերպության նախագահ, պրոֆեսոր



«Խիզախ զինվոր և ազնիվ աշխատավոր» այսպես է ներկայացրել «Գոլուս Արմենի» օրաթերթը խորհրդային Միության հերոս, 81-ամյա պատերազմի և աշխատանքի վետերան, Հայաստանի

պատերազմի և աշխատանքի վետերանների միության անդամ, Հայաստանի կոմկուսի Կենտկոմի անդամ Ռուբեն Հակոբյանին 1994 թ. սեպտեմբերի 15-ի մահախոսականում: Բնութագրելով

նրան, թերթը գրում է Ռուբեն Հակոբյանը սովորել է Պետերբուրգի ավտոճանապարհային ինստիտուտում, աշխատել է Կապանի մի շարք ձեռնարկություններում: Պատերազմի առաջին իսկ

օրերին մեկնել է ռազմաճակատ, աչքի ընկել հերոսությամբ Դրիմի ազատագրման մարտերում: ԽՍՀՄ Գերագույն խորհրդի նախագահության հրամանագրով 1944 թ. մայիսի 16-ին արժանացել է խորհրդային Միության հերոսի կոչման:

Այսօր արդեն տաս տարի է, ինչ նա մեզ հետ չէ, սակայն բոլոր բնագավառներում, ուր նա աշխատել և գործել է, մնացել են թարի հիշողություններ:

Այսօր, օգտվելով առիթից, ցանկանում եմ ներկայացնել մի հազվագյուտ լուսանկար, որը կատարվել է 1944 թվականին, Մոսկվայում պատերազմի մի խումբ մասնակիցների խորհրդային Միության հերոսի բարձր պարգևների հանձնման արարողությունից հետո, Գերագույն խորհրդի նախագահության նախագահ Մ. Ի. Կալինինի հետ: Լուսանկարում պատկերված 26 պարգևատրվածների մեջ է Ռուբեն Հակոբյանը (Կալինինի թիկունքին կանգնած) և տանկային զորահրամանատար, գեներալ

Ռիբակովն (հետագայում մարշալ): Լուսանկարը իմ խնդրանքով ինձ տվեց Ռուբենի կին-այրին Մարիա Կոնստանտինովնան: Նա պատմեց, որ Ռուբենը պատերազմից հետո զբաղեցրել է մի շարք պետական պատասխանատու պաշտոններ, ընտրվել է ՀԽՍՀ Գերագույն խորհրդի պատգամավոր: Համարվում է Ուկրաինայի Հանրապետության Դրիմի թերակղզու Կարմիր Պետեկոպ քաղաքի պատվավոր քաղաքացի, նրա անունով է կոչված Պետեկոպի դպրոցը: Իսկ «խորհրդային Հայաստան» թերթի 1944 թվականի սեպտեմբերի 3-ի համարում կարդում ենք՝ Հայաստանի ութ միջնակարգ դպրոցները ՀԽՍՀ Գերագույն խորհրդի պատվոգրով պարգևատրելու մասին, դրանց թվում է Իջևանի շրջանի Իջևան գյուղի միջնակարգ դպրոցը, որտեղ սովորել է խորհրդային Միության հերոս, ավագ լեյտենանտ Ռուբեն Հակոբյանը:

Հերիկ ԽԱՌԱՍՅԱՆ
Պատերազմի և աշխատանքի վետերան

«Գիտության և ոգու ասպետը»

...Հույսով ապրում էինք մենք այս
աշխարհում

Թե ոչինչ, վաղը, մյուս օրը դեռ կա,
Մի իմաստություն էինք հաճախ
մոռանում,

Որ այն, ինչ գնաց՝ երբեք ետ չի գա:

Այն, ինչ հեռու էր, մեզ լավ էր քվում,
Այն, ինչ վաղվա մեջ, երա՛զ բաղձալի,
Այսօրվա հրաշքը սովորական մի փաստ,
Իսկ ապրած օրը՝ դժգույն, տաղտկալի:

Եվ երբ հաշվում է օրն այդ «տաղտկալի»,
Եվ երբ այն գիրկն է «երեկվա» անցնում,
Հանկարծ կարոտի շունչը տանջալի,
Որդի պես բարուն մեր սիրուն է կրծում:

Է. ԳԱՐՐԻԵԼՅԱՆ

«Անհատն իր ապրած ժամանակի ծնունդ է, այդ ժամանակի գաղափարախոսության և ժամանակի մտայնության կրողը: Սա սովորական անհատների մասին է: Սակայն անհատներ կան, որոնց ապրած և ապրվելիք կյանքը, մտադրությունը, հույզանքը, երազանքներն ուղիղակի և նրա բնակիչների գալիք օրերը էլ ավելի կատարյալ տեսնելն է: Նման անհատները չեն ապրում միայն մեկ մարդու նախասահմանված կյանքով: Նրանք ապրելով այրվում են, այրվելով՝ ապրում: Նրանց համար չկա աշխատանքի ավարտ, հանգիստ կյանք...»:

Այս խոսքերը բնորոշում են ակադեմիկոս մտավորականներից մեկին, հանրահայտ բժիշկ-գիտնական, պետական և հասարակական ծանաչված գործիչ, առողջապահության հմուտ կազմակերպիչ Եմիլ Սամսոնի Գաբրիելյանին:

Այս ակնարկը գրելու գաղափարը ծնվեց գիտնականի մասին վերջերս լույս տեսած Անի Փաշայանի «Գիտության և ոգու ասպետը» գիրքը կարդալու ընթացքում, և ամրացավ նրա կյանքին, գործին ու անցած ուղուն ավելի մանրամասն ծանոթանալուն զուգահեռ: Եջ առ ձախ, զուլի առ զուլի կարդալով այս գիրքը, ուր ամենայն մանրամասնությամբ նկարագրվում է գիտության և ոգու ասպետի անցած ուղին, մի խորին պատկառանք, ներքին հարգանք է ծնվում մեզ:


Սպիտակ խաչի համաշխարհային միաբանության ասպետ, վաստակաշատ գիտնական, ակադեմիկոս Եմիլ Գաբրիելյանն այսօր արդեն անառարկելի զննատեղում գիտնական է հայ և համաշխարհային բժշկագիտության մեջ: Նրա հիմնած Դեղագործակալությունը միջազգային լայն ճանաչման արժանացած կառույց է, գիտական մի նոր օջախ երիտասարդ գիտնականների համար: Հավանաբար չէր գիտեն, որ նշանավոր գիտնականը նաև գրող-հրապարակախոս է, դասական երաժշտության մեծ երկրպագու, հոգևոր մեծ ներաշխարհի տեր մարդ: Նա նաև գիտության մեծ մշակ է, անխնայ ու անդադար, իր հանգիստ, բայց պատկանելի ու վստահ գործունեությամբ: Գիտնականն այսօր ղեկավարում է ՀՀ ԳԱԱ բնական գիտությունների բաժանմունքը, կազմակերպում ու անցկացնում առողջապահական զանազան գիտաժողովներ ու սեմինարներ:

«Գիտության և ոգու ասպետը» գիրքը կազմված է զուլիներից, ուր ամենայն մանրամասնությամբ ներկայացվում է գիտնականի կյանքն ու գործը: Գիրքը վերջում ունի նաև հավելված, ուր բավականին մեծ հարցազրույց կա վաստակաշատ գիտնական-բժշկի հետ: Իսկ աշխատության վերջում գետնդրված են Եմիլ Գաբրիելյանի գործընկերների, հանրահայտ մարդկանց, ակադեմիկոս մտավորականների ու գիտնականների կարծիքները գիտության և բժշկության նվիրյալի մասին:

Նարինե ՎԱՐԳԱՆՅԱՆ

⇒ 1 ռանձին օրերի ընդունումը, այնուամենայնիվ, տնտեսական առաջընթացը կապվում է լուրջ ներդրումների հետ, որը կարող է տեղի ունենալ միայն և միայն ազատ շուկայական տնտեսության տնտեսագիտական օրենքների շրջանակներում: Կարևոր ենք համարում նշել, որ ճիշտ է, քաղաքի արդյունաբերական ձեռնարկությունները հիմնականում սեփականաշնորհվել են, սակայն այդ սեփականաշնորհումը չպետք է կրի ինքնապատկառնություն: Յուրաքանչյուր ձեռնարկություն, այնուամենայնիվ, պետք է գտնի համապատասխան ձևեր և միջոցներ, թեկուզ փոքր ծավալներով գործունեություն

Գյումրին՝ գիտական խոշոր կենտրոն



ծավալելու համար: Եթե արդյունաբերական հիմնարկի ղեկավարությունը և կոլեկտիվը իր առջև այդ խնդիրը դնի (կարծում ենք, որ պետությունն էլ իր հերթին այդ լրջագույն պահանջը պետք է դնի սեփականաշնորհված հիմնարկների առջև), ապա անկասկած կարող են հասնել, ինչպես նշեցինք, թեկուզ փոքր ծավալի, բայց հասարակության համար էական նշանակության հաջողության (իսկ այդ օրինակը քաղաքում առկա է, ի դեմս «Քարհատ մեքենա» գործարանի): Նորից ենք ընդգծում, որ մեզ համար կարևորագույն խնդիր է, որ այդ արդյունաբերական գործարանները սկսեն աշխատել:

Երկրաշարժից անմիջապես հետո ԱՄՆ-ի կառավարությունը ցանկություն էր հայտնել Գյումրիում հաստատել Ամերիկյան համալսարան, ինչպես օրինակ, Մեծ Բրիտանիայի, Ֆրանսիայի, Գերմանիայի Դաշնության կառավարությունները՝ միջնակարգ դպրոցների կառուցման առումով (որոնք հետագայում հաջողությամբ իրագործվեցին): Այդ ժամանակ Երևանի պետական համալսարանի ղեկավար Գրիգոր Գրիգորյանը նշանակությունը երկրաշարժից կործանված քաղաքի հետագա վերածննդի գործում: Այդ կապակցությամբ բանակցություններ էին վարվում Կալիֆորնիայի համալսարանի պրոֆեսորների և ԵՊՀ ղեկավարի միջև (և՛ ԱՄՆ-ում, և՛ Հայաստանում): Համաձայնությունը փաստորեն կայացել էր: Սակայն հետագայում անհասկանալի պատճառներով Ամերիկյան համալսարանը հաստատվեց Երևանում: Որպես հիմնավորում տրվեց այն (համեմայնողապ ծավալվեցին այդպիսի խոսակցություններ), որ Գյումրին քանդված է, պայմանները բացակայում են, ինչպես պետք է համալսարանը Գյումրիում գործի: Կարծես ամերիկացիները անտեղյակ էին, որ երկրաշարժը Գյումրիում է տեղի ունեցել և այդպես անտեղյակ առաջարկ էին արել համալսարանը Գյումրիում հաստատել:

Հետագայում նույնպես մայրաքաղաքում հաստատվեցին ռուսական, ֆրանսիական կարևոր նշանակության ուսումնական հաստատությունները: Մենք, իհարկե, ողջունում ենք մեր հանրապետության համար այս լուրջ ձեռքբերումները: Այստեղ հարցադրումը նրանում է, թե ինչու՞ այդ ամենը երևանում: Երևանում փաստորեն կենտրոնացված են հանրապետության, կարելի է ասել, բոլոր գիտական և կրթական լուրջ նշանակության հաստատությունները: Ինչքանով է դա ճիշտ, այդ մասին բազմիցս է խոսվել:

Մեկ այլ կարևորագույն հանգամանքի վրա էլ էր այն ժամանակ պնդում ակադեմիկոս Ս. Ա. Համբարձումյանը: Ըստ նրա, Գյումրիի վերականգնումը հենց սկզբից, պետք էր սկսել նրա կենտրոնի, ինքնաբերական միջուկի վերականգնումից, այնուհետև տարածելով շինարարական աշխատանքները նախաերկրաշարժյան քաղաքի մյուս ծավալներում: Մեզանում ըստ երևույթի չկա այն կուլտուրան, որ ասողիկ լսող է պետք: Եվ ինչ ստացվեց, քաղաքի վերականգնման աշխատանքների համար ընտրվեց միանգամայն հակառակ տարբերակը: Տարիներ հետո, ի վերջո հասկացանք, որ կատարվել է լուրջ սխալ (Սպիտակի պարագայում էր) և, աստիճանաբար, վերադարձանք ճիշտ տարբերակին, որն ուղեկցում էր ակադեմիկոսը: Արդյունքում ունեցանք հսկայական և նաև անդադնալի

կորուստներ (ինչպես, օրինակ, Շիրակի դաշտավայրի հսկայածավալ բերրի հողերի կորուստը, էլ չենք ասում քաղաքաշինական առումով այժմ ծառացած լուրջ հիմնախնդիրները):

Ինչևէ, վերադառնալով Հայաստանի Ամերիկյան համալսարանին, որը երևանից Գյումրիի տեղափոխվել և Գյումրիում հաստատվել Գյումրիի համար ունի սկզբունքային նշանակություն:

Մեր ժողովրդի համար լուրջ նշանակության հանգամանք է որ Գյումրիում է հիմնավորված Ռուսական Դաշնության ռազմական բազան և Ռուսաստանի հյուպատո-

սությունը: Հավաստի տվյալներով Գյումրիում բացվելու է հայ-ռուսական պետական համալսարանի մասնաճյուղը: Ռուսական ներկայությունը և միաժամանակ Գյումրիում Ամերիկյան համալսարանի առումով ԱՄՆ-ի ներկայությունը որակական նոր իրավիճակ կստեղծի Գյումրիում: Այս պայմաններում քաղաքին էլ ավելի կսեռնվի Հայաստանի կառավարության ուշադրությունը, մարզային և քաղաքային իշխանությունները ավելի զգաստ կեցվածք կընդունեն և առավել լրջորեն և ինտենսիվորեն կզբաղվեն քաղաքի հիմնահարցերով: Քաղաքը կգտնվի ԱՄՆ-ի և Ռուսաստանի Դաշնության կառավարությունների ուշադրության կենտրոնում: Այս ամենի արդյունքում քաղաքը անպայմանորեն ինտենսիվորեն կկերպարանափոխվի դեպի ժամանակակից լավագույն քաղաքի:

Հայաստանի Ամերիկյան համալսարանի շուրջ կհամախմբվեն Գյումրիի պետական և ոչ պետական բարձրագույն ուսումնական հաստատությունները: Նրանց մեջ կծավալվի լուրջ մրցակցություն և՛ կարողել պատրաստման առումով, և՛ արևմտյան կրթական համակարգի արժանատվորման առումով (որը փաստորեն մենք պետական մակարդակով արդեն որդեգրել ենք):

Կարևորագույն հանգամանք ենք համարում իսկական գիտական կյանքի աշխուժացումը: Գյումրիի բուհերում և գիտական հիմնարկներում գիտական հետազոտությունները ավանդաբար սերտորեն կապված են եղել Ռուսաստանում իրականացվող խոշորամասշտաբ գիտական ուսումնասիրությունների հետ: Այժմ արդեն տեղի բուհական և գիտական հիմնարկների գիտական կադրերը հնարավորություն կունենան շփվելու նաև ԱՄՆ-ի, այդ հզորագույն պետության գիտական համակարգի հետ: Ամերիկյան և ռուսական գիտական դպրոցների մրցակցությունը լուրջ հիմքեր կստեղծեն գիտության զարգացման համար: Այսպես, օրինակ, ՀՀ ԳԱԱ Գեոֆիզիկայի և ինժեներային սեյսմոլոգիայի ինստիտուտի գիտական ուղղվածությունը ավանդաբար կապված է Ռուսաստանի ԳԱ համապատասխան ինստիտուտների գիտական թեմատիկաների հետ, հայտնի է, որ Հայաստանի Ամերիկյան Համալսարանում, ինչպես բուն ԱՄՆ-ում, խորապես զարգանում է ինժեներական սեյսմոլոգիան: Սերտ առնչության մեջ են գտնվում նաև հարակից գիտությունները՝ մեխանիկան, սարքաշինությունը և այլն: Հետևապես պետք է ակնկալել միանգամայն ուղիղ գիտական միջավայրի հաստատումը Գյումրիում: Առաջ կգան համատեղ գիտական ծրագրեր, կծաղկեն այն գիտական հիմնարար և կիրառական ուղղությունները, որոնք ռեալ կերպով հնարավոր կլինի զարգացնել Գյումրիում: Աստիճանաբար քաղաքում գործող գիտական կենտրոնները նորովի ձեռք կբերեն իրենց ուղիղ, ժամանակակից նկարագիրը, գիտական աշխարհին հանդես կգան որպես առավել հասուն գիտական կենտրոններ, գիտական կյանքը էապես կինտեգրի համաշխարհային գիտական կյանքին: Անպայմանորեն քաղաքը իրեն կծգի հայրենիքի և սփյուռքի գիտական շրջանակներին, երիտասարդ մասնագետներին: Քաղաքում կունենանք համահավաք լուրջ մտավորականություն, որն իր վրա կկենտրոնի քաղաքի հետագա զարգացման ու բարգավաճման ուղղորդվող միտքը: Այս ամենով հանդերձ, վաղ թե ուշ, Թուրքիայի կողմից սահմանի բացումով Գյումրին կվերածվի տարածաշրջանային իմաստով լուրջ

գիտական և կրթական կենտրոնի և բնակա-նորեն առաջ կբերի իր յուրահատուկ հետաքրքրությունը: Քաղաքը իր նշանակությամբ էականորեն կբարձրանա և պարզ է, որ միաժամանակ կնպաստի ներդրումային՝ փոքր և միջին ձեռնարկչական գործունեության աշխուժացմանը:

Որո՞նք են մեր պետության ներկա ժամանակահատվածի գերխնդիրները: Դա նախ և առաջ դարաբաղյան հիմնահարցի վերջնական լուծման հասնելն է: Այնպիսի լուծման, որն արժանապատիվ լինի ցեղասպանություն տեսած, Արցախի՝ պարտադրված պատերազմում հաղթանակած մեր ժողովրդի համար: Համահավաք ուժերով, պետական ծրագրային քաղաքականությամբ պետք է կարողանալ արագ վերացնել երկրաշարժի և սահմանային գոտիներում պատերազմի հետևանքները: Կարճ ժամանակում պետք է կարողանալ ստեղծել ենթաստրուկտուրային, սերվիսի, կյանքի ժամանակակից պայմաններ՝ հավասարապես և՛ մայրաքաղաքում, և՛ մարզերում: Պետական ծրագրավորված քաղաքականությամբ պետք է կարողանալ հավասարաչափ զարգացնել մեր հանրապետության բոլոր տարածաշրջանները (նկատի ունենալով յուրաքանչյուրի ուրույն յուրահատկությունները): Կարևոր ենք համարում նշել, որ մեր երկրին օգտակար լինելու հարցերում, մեր պետությունը հավասար հնարավորություններ պետք է ստեղծի մեր հանրապետությունում գերտերությունների՝ ԱՄՆ-ի, Ռուսաստանի Դաշնության և Եվրամիության համար: Իհարկե, հավասարապես և շահագրգիռ համագործակցելով նաև մեր անմիջական հարևան և այլ պետությունների հետ:

Իսկ եթե, այնուամենայնիվ, ԱՄՆ-ի կառավարությունը նպատակահարմար գտնի, որ համալսարանի համալիրի ֆինանսավորումը կիսով չափ իրականացնի, իսկ մյուս կեսը՝ մեր կառավարությունը, ապա մեր կարծիքով, այս տարբերակին էլ կարելի է համաձայնվել և որևէ վարկային ծրագրով աշխատել կատարել այդ պարտավորությունը, որովհետև արդյունքները միմիայն մնայուն են և սկզբունքային նշանակության:

Ինչ վերաբերում է կյանքի պայմաններին, ապա այն մեր կարծիքով չպետք է հիմնավոր պատճառ ծառայի Հայաստանի Ամերիկյան Համալսարանը Գյումրի չտեղափոխելու համար: Այդ կյանքի պայմանները մեր ռեալ իրականությունն են, դրանք վերաբերում են մեր ողջ հասարակությանը: Գյումրիի մտավորականությունը երկրաշարժից հետո, կարելի է ասել, չլքեց քաղաքը, իր ժողովրդի հետ միասին նա տանում է կյանքի այդ պարտադրված լրջագույն դժվարությունները (դրանք երկրաշարժի հետևանքով ստեղծված իրավիճակն է, գումարած՝ տնտեսական այս դժվարին անցումային փուլի առաջարած պայմանները): Այս դժվարին պայմաններում քաղաքի բուհերում, գիտահետազոտական ինստիտուտներում, հատուկ կոնստրուկտորական բյուրոներում, պրոբլեմային լաբորատորիաներում, հայագիտական-երկրագիտական կենտրոններում անտրուսնեց աշխատում և ստեղծագործում են շուրջ 30 գիտության դոկտորներ, պրոֆեսորներ, շուրջ 300 գիտության թեկնածուներ, դոցենտներ, ինժեներատեխնիկական մտավորականություն բավականին մեծ բանակ: Կարծում ենք, որ Հայաստանի Ամերիկյան Համալսարանի կոլեկտիվը, որը կոչված է հասարակության համար որոշակի խնդիրներ և նպատակներ իրագործելու, նույնպես կապրի և կգործի այն պայմաններում, ինչ որ Գյումրիի մտավորականությունը և ողջ հասարակությունը: Երբ կառուցվի համալսարանի ողջ համալիրը (իսկ դա պետք է կառուցել առանձին մի տարածքի վրա իր ամբողջական և ամփոփ ներկառուցվածքով, որի հնարավորությունը մեր կարծիքով առկա է նոր Գյումրիի հսկայածավալ տարածքներում), այդ դեպքում հիմնականում կյանքը կմտնի առավել լավագույն պայմաններում:

Կարծում ենք, վերջին երկու-երեք տարվա քաղաքում ծավալված շինարարական հսկայածավալ և արդյունավետ աշխատանք կարող ենք համարել Գյումրիի հիմնախնդիրների լուծման սկզբունքային նշանակության առաջին ժամանակահատվածը: Վստահությամբ ակնկալում ենք, որ ՀՀ նախագահը, լուրջ նախապատրաստակամ աշխատանքների և ուսումնասիրությունների հիման վրա կուրվագծի մեր քաղաքի կառուցման և զարգացման հաջորդ և որոշիչ ժամանակահատվածային փուլը, որի արդյունքում Գյումրին կվերհանի տարածաշրջանային և աշխարհաքաղաքական առումով լուրջ գիտակրթական, մշակութային, աշխույժ առևտրի և բիզնեսի նշանակալի և հետաքրքիր կենտրոնի:

Խորին հարգանքով
Սամվել ՄԱՐԳԱՅԱՆ

Ֆիզիկա-մաթեմատիկական գիտությունների դոկտոր, պրոֆեսոր, Գյումրիի Մ. Նալբանդյանի անվան պետական մանկավարժական ինստիտուտի «Մաթեմատիկական անալիզ և դիֆերենցիալ հավասարումներ» ամբիոնի վարիչ

ԿԵՆՂԱՆՆԵՐԻ
ԶԱՐՄԱՆԱՅՐԱՇ
ԱՇԽԱՐՀԸ



Ապահով մանկություն



- Աղջի, ինպե՞ղ ես...



- Վա՛յ, վա՛յ, վա՛յ... Ես ինչ ա կատարվում:

«ԴԻԼԻԶԱՆ» ԱԶԳԱՅԻՆ ՊԱՐԿ.

բնապահպանական պրոբլեմներ...

«...Յուրաքանչյուր որ ունի խոսքի ազատության իրավունք՝ ներառյալ տեղեկություններ ... սպանալու ... ազատություն...»

ՀՀ ՍԱՀՄԱՆԱԴՐՈՒԹՅՈՒՆ, Հոգված 24

«Ներկայիս և ապագա սերունդների յուրաքանչյուր մարդու իրավունքի՝ ապրել շրջակա միջավայրում, որը բարենպաստ է նրա առողջության և բարեկեցության համար, ...յուրաքանչյուր կողմը երաշխավորում է տեղեկատվության մատչելիության իրավունք, հասարակայնությանը՝ որոշումների ընդունման գործընթացի մասնակցության ... իրավունք՝ շրջակա միջավայրի հետ կապված հարցերով...»:

ՕՐԴՈՒՄԻ ԿՈՆՎԵՆՑԻԱ, Հոգված 1

Նախապատմություն

Կովկասի տարածաշրջանային բնապահպանական կենտրոնի (REC CAUCASUS) ՁԼՄ-ների և հասարակայնության հետ կապերի ծրագրի շրջանակներում, Եվրասիական զբոսայգու միջոցով լրագրողների համար կազմակերպվեց երկրորդ մեդիա-տուրը: Ուղևորությունը Դիլիջան էր, նպատակը՝ տեղում Դիլիջանի բնապահպանական հիմնախնդիրներին ծանոթանալն էր, տեղի պաշտոնյաներից և ծրագրի փորձագետներից անհրաժեշտ բոլոր տվյալների ստացումը, իսկ վերջնական ակնկալիքը՝ ՁԼՄ-ներում այդ պրոբլեմների արծարծումը, հասարակայնությանը շրջակա միջավայրի վերաբերյալ հավաստի տեղեկատվություն տալը:

Պետական արգելոց, թե՞ Ազգային պարկ

«Դիլիջան» ազգային պարկի ընդհանուր տարածքը 28 հազար հեկտար է, բաժանված է մի քանի գոտիների: Ծրագրի փորձագետ, ՀՀ ԳԱԱ Հիդրոէկոլոգիայի եւ ձկնաբանության ինստիտուտի գիտաբարոտուղար Եվելինա Ղուկասյանը փաստում է, որ որպես պետական արգելոց՝ Դիլիջանի արգելոցը երբեք չի համապատասխանել իր կարգավիճակին, քանի որ պետական արգելոցներում արգելված է տարբեր տեսակի բնակավայրերի գոյությունը, զազատարի, երկաթգծի առկայությունը, բարձր լարման հոսանքատար գծերը, ինչն առկա է եղել այստեղ՝ արգելոց համարվող այս տարածքում:

Փաստենք, որ «Դիլիջան» ազգային պարկը նախապես ստեղծվել է որպես պետական արգելոց և նպատակ է ունեցել պահպանել Հյուսիսային Հայաստանի կաղնու և համարենու կովկասյան տիպի անտառները, ինչպես նաև մեզոֆիլ անտառային լանդշաֆտները: Հետագայում, սակայն, պարզ է

դառնում, որ արգելոցը հարուստ է կենսաբազմազանությամբ և առաջ են գալիս նոր խնդիրներ՝ բուսական և կենդանական աշխարհի հատուկ տեսակների պահպանության հետ կապված: Հաշվի առնելով այս հանգամանքը, ինչպես նաև այն, որ արգելոցի տարածքում տնտեսական գործունեությունն անխուսափելի է, արգելոցը 2002թ. վերափոխվեց Ազգային պարկի:

Բնականին հետաքրքիր բուսական աշխարհի ունի Դիլիջանի պետական արգելոցը: Այստեղ հայտնաբերված են ավելի քան 900 բուսատեսակներ, որոնցից 40-ը անհետացող կամ անհետացման եզրին գտնվող բուսատեսակներ են, իսկ 29-ը ընդգրկված են Հայաստանի Կարմիր գրքում: Այստեղի հազվագյուտ, երրորդ դարաշրջանի բուսատեսակներից են, օրինակ, կենդին, կովկասյան մրտավարդը և այլն: Տարիներ առաջ փորձ է արվել կլիմայավարժեցնել վարազը և ուսուրական եղջերուն: Փորձագետը փաստում է, որ Հաղարծինի ձորում մեծ հաջողություն է արձանագրվել հատկապես վարազի կլիմայավարժեցման աշխատանքների ուղղությամբ: «Այստեղ բերված 60 կենդանիները մեծ հաջողությամբ բազմացել են ու մինչ այսօր էլ պահպանվում են»: Իսկ ուսուրական եղջերուների 130 առանձնակներից, է. Ղուկասյանի խոսքով, մի քանի տարի անց

կենդանաբանների կողմից արդեն գրանցվել էին 380-ը: Իսկ թե ներկա պահին վիճակն ինչպիսին է, փորձագետը դժվարացավ ասել, քանի որ վերջին տարիներին գիտական հետազոտություններ ու ուսումնասիրություններ, մեղմ ասած, չեն իրականացվում ֆինանսների բացակայության պատճառով:

...Եվ կարվելուց հետո է միայն երևում ծառի բուն հասությունը...
ՊԱՐԿԻՅՐ ՍԵՎԱԿ

«Դիլիջան» ազգային պարկի գլխավոր անտառագետ Սուրեն Աղաջանյանի խոսքով՝ 90-ական թվականների ցուրտ ու մութ տարիներին Դիլիջանի տարածքում, ի տարբերություն մեր հանրապետության մյուս բնակավայրերի, մասսայական անտառահատումներ չեն կատարվել: Իհարկե, կան հատվածներ, ուր, ըստ Աղաջանյանի, անտառի խտությունը 0,9-ից իջել է մինչև 0,6-ի, անգամ կան հատվածներ, ուր այն հասել է մինչև 0,2 խտության, սակայն «մասսայական անտառահատումներ այստեղ չեն եղել»: Գլխավոր անտառագետը սա կապում է այն բանի հետ, որ Դիլիջանի անտառների վրա երբեք պլաններ չեն եղել դրված:

Ձեռքդ ետ տար ցավի վրայից...

Իսկ աչքը տեսածից է վախենում:
Շրջելով Դիլիջան ազգային պարկի ⇨ 6



Ազգային միասնության գաղափարը՝ գործունեության հիմք

⇒ 2 միասնական ազգային մշակույթի գաղափարը, - դարձյալ նշում է պարոն Եղիազարյանը:

Հաջորդ աշխատությունը, որը պատրաստվում է հրատարակել ինստիտուտը, կոչվելու է «Հայ գրականությունը համաշխարհային զարգացման համատեքստում»: Այս ուղղությամբ արդեն աշխատում են ակադեմիկոս Արամ Գրիգորյանը, դոկտորներ Ելենա Ալեքսանյանը, Ջավեն Ավետիսյանը և ուրիշներ: Աշխատությունը լուսաբանելու է քսաներորդ դարի համաշխարհային գրական զարգացումը և հայ գրականության մասնակցությունը այդ գործընթացին: Պատմությունը ցույց է տալիս, որ մեր կապը համաշխարհային գրականության հետ եղել է շատ ինքնատիպ: Այս ա-

ռուծով պարոն Եղիազարյանը առանձնացնում է խորհրդային շրջանում որդեգրած լավատեսական գաղափարախոսությունը, որը կյանքի զարգացումը ներկայացնում էր վերընթաց գծով: Այլ խնդիր է, թե դա որքանով էր համապատասխանում կյանքի զարգացման բուն իրողություններին: Ըստ գիտնականի՝ հայերը չէին կարող շատ հոռետես լինել, որովհետև և Սփյուռքում, և այստեղ հայրենիքի խնդիր կար, և բոլորն էին մտածում այդ հայրենիքի մասին: Այս և մի շարք այլ պատճառներ կաշկանդում էին հայ արվեստագետի ազատությունը: Այս ընթացքում հորիզոնային Հայաստանում ոչ ոք չէր կարող արձագանքել արևմտյան գրականությանը Պրուստի, Կաֆկայի և այլոց երկերին, որոնցում

առավելապես իշխում էր հոռետեսական տրամադրությունը: Այս ամենով հանդերձ, հիշյալ տարիներին ստեղծագործեցին Չարենցը, Բակունցը, Դեմիրճյանը, Ջուրյանը, որոնց անունները նույնացվում են գեղարվեստական բարձր արժեքների ու պատմական թռիչքի հետ: Պատերազմական սերնդի բանաստեղծությունը, ի դեմս Շիրազի, Սահյանի, Կապուտիկյանի, Էմինի, Դավթյանի և այլոց, մի նոր որակի հաղորդեց մեր գրականությանը, որը շարունակեց հարատել նաև Սփյուռքում, շնորհիվ Համաստեղի, Շահնուրի, Վազգեն Շուշանյանի, Հակոբ Օշականի, Կոստան Ջարյանի և այլոց:

Ութսունականների վերջից մինչև մեր օրերը գրականությունը համարվում է մշակու-

թային զարգացման մի նոր փուլ, որն էականորեն տարբերվում է նախորդներից: Առաջմ պետք է գերծ մնալ միանշանակ գնահատական տալուց, քանի դեռ կա բյուրեղացման ընթացք: Չնայած արդեն կան անուններ, որոնք կայուն տեղ ունեն արդի գրականության մեջ:

Գրականության ինստիտուտի պլանների մեջ է Հովհաննես Թումանյանի կյանքի ու գործունեության տարեգրության և բուն մանանական հանրագիտարանի ստեղծումը: Ազգային մեծ բանաստեղծի գործունեությունն ու ժառանգությունը մնում են ինստիտուտի ուշադրության կենտրոնում: Աշխատանքները կատարում են դոկտորներ Վլադիմիր Կիրակոսյանը, Լուսիկ Կարապետյանը, բանասիրական գիտությունների թեկնա-

ծուներ Հասմիկ Աբեղյանը, Սուսաննա Հովհաննիսյանը և ուրիշներ:

Ինստիտուտի ոչ պակաս կարևոր գործառնությունը միջազգային կապերի ուժեղացումն է: Կազմակերպվել են մի շարք գիտաժողովներ հանրապետությունում և արտերկրում: Հունիսի 23-24-ին Մոսկվայում կազմակերպվեց Նարեկացու հազարամյակին նվիրված գիտաժողով՝ ՌԴԳԱ Մաքսիմ Գորկու անվան համաշխարհային գրականության ինստիտուտի հետ համատեղ: Նոյեմբեր ամսին Հայլե Վիտենբերգ համալսարանում գերմանացի գիտնականների հետ համատեղ նախատեսվում է անցկացնել միջազգային գիտաժողով՝ նվիրված հայ և գերմանական միջնադարյան գրականություններին: Այսպիսով, շարունակվում է նախորդների ժամանակավորապես ընդհատված գործը հայ գրականությունը միջազգային ասպարեզում ներկայացնելու ուղղությամբ:

Գրկ. ԿԱՄԻՍԱՐՅԱՆ

«ԴԻԼԻՋԱՆ» ԱԶԳԱՅԻՆ ՊԱՐԿ



⇒ 5 տարածքում ուղղակի չեն կարող չտեսնել, որ երբեմնի խիտ ու հարուստ անտառների շատ հատվածներ նույնպես են այնքան, որ բազմաթիվ հատվածներում ծառերի արանքներում բացատներ են գոյացել: «Մեծերը սիրում են թվերով խոսել», - կասեր Անտուան դը Սենտ-Եքզյուպերիի հանրահայտ հերոսը: Սակայն թվերից խուսափել այս դեպքում անհնար է: Ուսումնասիրությունները ցույց են տվել, որ միայն 2002-2003թթ. Հայաստանում օգտագործվել է մեկ միլիոն խորանարդ մետր փայտ...

Իսկ անտառային գոնե եղած ռեսուրսները պահպանելը անապատացման վտանգն աչքի առաջ ունեցող Հայաստանի համար

այսօր կենսական խնդիր է: Փաստենք, որ Հայաստանի անտառապատ տարածքները կազմում են մոտավորապես 11 տոկոս: Օպտիմալ անտառապատման ընդունված նորման պահանջում է, որ այն լինի առնվազն 20 տոկոս: Իսկ սա նշանակում է, որ մենք այսօր Հայաստանում ունենք այդ օպտիմալ նորմայի կեսը միայն:

Թվերն երբեմն իսկապես խոսում են:

Ընդամենը 12.000 դրամ հայրենի անտառների պահպանմանը

Դիլիջանում ներկայումս արգելված չէ թափուկների շահագործումը: Եվ հենց այս է պատճառը նաև, որ ապօրինի հատումները Դիլիջանում, Սուրեն Աղաջանյանի հավաստմամբ, գրեթե վերացել են: Ըստ նրա՝ թափուկների շահագործումը թույլատրելի ճիշտ որոշում էր: Մեկ խորանարդ մետր թափուկի համար պետությունը սահմանել է 2400 դրամ: Անտառագետը կարծում է, որ եթե թափուկների շահագործումը արգելվեր, ապա մարդիկ ստիպված կգնային ծառահատումների, և այն էլ՝ մեծ մասշտաբներով:

Ապօրինի հատումները նվազել են նաև այն պատճառով, որ բավականին բարձրացել են ծառերը կտրելու համար նախատեսված տուգանքների չափերը: Հետո գազաֆիկացվել է Դիլիջանի գրեթե ողջ տարածքը: Եվ այս ամենի հետևանքով՝ նախորդ տարիների հետ համեմատած, ըստ գլխավոր անտառագետի, գրեթե տասն անգամ նվազել են ապօրինի ծառահատումները:

«Դիլիջան» ազգային պարկն այսօրվա դրությամբ ունի 45 անտառապահ, որոնք ամսական ստանում են, ծիծաղելի չլինի ասելը, 12 հազար դրամ աշխատավարձ: Լրագրողների այն հարցին, թե «12 հազար դրամ ստացողը ինչպե՞ս կարող է անտառը պահել ու չգնալ ապօրինությունների», գլխավոր անտառագետը պատասխանեց, թե գյուղացու ապրուստը միայն դա չի, նա ունի անասուն, հողատարածք և այլն, և հետո

«գյուղում աշխատանք չկա, իսկ եթե լինում է՝ աշխատանքի ընտրություն չկա»:

Իսկ թե որքանով են հավաստի այս տվյալները, մանավանդ եթե հաշվի առնենք, որ գիտական լուրջ հետազոտություններ ու ուսումնասիրություններ այստեղ չեն կատարվում 90-ական թթ. սկզբներից ի վեր, դժվար է ասել:

Փրկել, թե՞ չփրկել...

Նշենք նաև, որ բացի ապօրինի անտառահատումներից, «Դիլիջան» ազգային պարկն ունի նաև այլ խնդիրներ:

«Դիլիջան» ազգային պարկի առջև այսօր ծառացել է կենու պուրակի ներկայիս վիճակը: Կենին ռեչիկտային, երրորդ դարաշրջանի բուսատեսակ է, ապրում է մինչև 1000 տարի: Դիլիջանի կենու պուրակում, որը զբաղեցնում է մոտ 25 հեկտար տարածություն, այսօրվա դրությամբ, ըստ էվելինա Ղուկասյանի, բնական վերարտադրման գործընթաց չի ընթանում, այստեղ կարելի է հանդիպել մինչև 500-550 տարեկան ծառերի: Կենին աճում է հիմնականում լայնասաղարթ անտառներում՝ մյուս ծառերի հետ միասին: Եվ նրանց սաղարթների հետևանքով առաջացած թաղիքը թույլ չի տալիս, որպեսզի կենու սերմերը հասնեն հողին և նոր ծիլեր արձակեն: Իսկ կենու պուրակը գտնվում է արգելոցային գոտում և բնական է, որ այստեղ մարդու ցանկացած միջամտությունն արգելվում է: Եվ հիմա գիտնականներն այս հարցում կանգնած են փաստի առջև. «մի կողմից խիստ մեծ է ցանկությունը՝ փրկելու և պահպանելու այս ռեչիկտային բուսատեսակը, դրա հետ նաև՝ փրկելու պուրակը ծերացումից, մյուս կողմից, եթե միջամտենք, ապա բնական զարգացման ընթացքը խախտած կլինենք»:

Ականջդ բեր՝ ասեմ...

Պ. ՍԵՎԱԿ

Արդեն 15 տարի է, ինչ Ազգային պարկին տրանսպորտային ոչ մի միջոց չի հասկաց-

վել: Ֆինանսների բացակայության պատճառով անտառչինարարական աշխատանքներն այստեղ վերջին անգամ կատարվել են 1985-86թթ: Էվելինա Ղուկասյանը իրավագիտորեն փաստում է, որ միայն անտառչինարարական աշխատանքների արդյունքում կարող է պարզ դառնալ, թե այսօր ինչ խտության անտառ է մնացել Դիլիջանում, որքան է անտառն իրականում տուժել այս տարիներից և ընդհանրապես՝ ինչ ունենք մենք այսօր: Ըստ փորձագետի՝ խիստ արդիական է նաև սահմանների ճշգրտման, գոտիավորման, բարեկարգման աշխատանքների կյանքի կոչումը:

Փորձագետը տեղեկացրեց նաև, որ դեռևս 2 տարի առաջ Համաշխարհային բանկի ֆինանսավորմամբ «Հրավորության դեմ պայքարի» ծրագրի «Հատուկ պահպանվող տարածքների բարելավում» ենթակետով Դիլիջանում և Սևանում պետք է սկսվեր մի լայնամասշտաբ ծրագիր: Ծրագրով նախատեսվում էր բարեկարգել Սևանի և Դիլիջանի ազգային պարկերը: Ծրագրի տեղեկացումները փուլով ավարտվել է հունիսին: Ղուկասյանի տվյալներով՝ շահել է Ֆրանսիական ինչ-որ կազմակերպություն, որը ծրագիրը պետք է իրականացնի հայկական կողմի հետ համատեղ: Նա նաև տեղեկացրեց, որ վերոհիշյալ ծրագրով նախատեսվում են հսկայական ներդրումներ. «Սևան» և «Դիլիջան» ազգային պարկերը պետք է զինվեն համապատասխան մյուս թատեսնական բազայով, պիտի համալրվեն տեխնիկայով, անասուններով և փոխարանիչներով: Փորձագետը հույս ունի, որ եթե ծրագիրն իրականացվի բարեխղճորեն, երկու ազգային պարկերն էլ մեծ օգուտ կստանան: Բայց նա նաև փաստում է. «Ես կնախընտրեի, որ այս ծրագիրը հիմնականում իրականացվեր հայ մասնագետների ջանքերով, քանի որ հսկայական զուսմաներ են ծախսվելու միայն դրսից մասնագետներին հրավիրելու, նրանց տեղի խնդիրներին ծանոթացնելու, ուսումնասիրություններ անցկացնելու վրա»:

Իսկ որ մասնագետներ մենք ունենք, դա անժխտելի է: Մնում է ունեցածը ճիշտ գնահատել և այն էլ՝ ժամանակին:

Նարինե
Լարդանյան

Տառյանա ԲԱՏԵՆԵՎԱ

Գիտնականներն ապացուցեցին կաթնասունների բազմացման և նոր հնարավորություն

Կ ԱՍՏԻՎԵՑ անարատ բեղմնավորում, առայժմ մկների ու ձկների...

Տղամարդիկ կարող են հանգստանալ. աշխարհում առաջին անգամ կենսունակ սերունդ է ստացվել առանց հոր մասնակցության: Ճապոնական և կորեական գենետիկները (ծագումնաբանները) պրոֆեսոր Տոնոհիրո Կոնոի ղեկավարությամբ հասան գիտական նշանավոր հաջողության: Տոկիոյի գյուղատնտեսական համալսարանի լաբորատորիայում երկու մայր մկների ձվաբջիջների միաձուլումից մկներ ծնվեցին... Մինչ այժմ ոչ սեռական ճանապարհով բազմանում էին միայն բույսերն ու ցածրակարգ կենդանիները:

Մարդու սովորական բջիջների միջուկում կա 46 քրոմոսոմ: Ի տարբերություն դրա՝ սեռական բջիջները, սպերմատոզոիդները և ձվաբջիջները, պարունակում են 23-ական քրոմոսոմներ: Նրանց միաձուլումից ստացվում է բջիջ՝ գամետաքրոմոսոմային լրիվ հավաքածուով, որը և նոր կյանքի սկիզբն է դնում: Այս ձևով են ծնվում մնացած բոլոր կաթնասունները:

Պարտենոգենեզը (միասեռ ուղիով բազմացումը) գոյություն ունի միջատների, որոշ ձկների, սողունների, բայց ոչ երբեք՝ կաթնասունների մոտ: Կաթնասունների պարտենոգենեզի ուղղությամբ գիտափորձեր են կատարվում աշխարհի բոլոր գիտական կենտրոններում:

րում: Նպատակը ոչ այնքան գործնական է (չնայած գյուղատնտեսության մեջ բազմացման նոր միջոցի կիրառումը չափազանց հրապուրիչ է), որքան գիտական: Բնությունը երևույթների նման զարգացման վրա հատուկ փականք է դրել, դա գենային իմպրինտինգն է: Դա նշանակում է, որ մայրական քրոմոսոմների մեջ «անջատված» են սաղմի նորմալ զարգացման որոշ կարևոր գեներ, իսկ հայրական քրոմոսոմներում՝ այլ: Եվ միմիայն նրանց միաձուլումն է ստեղծում լրիվ ծրագիրը, առանց որի չի կարող ոչ մի սաղմ նորմալ զարգանալ:

- Գենային արգելքը հաղթահարելու փորձերը չեն դադարել այս վերջին տարիներս, բայց մինչև օրս անարդյունք էին, - հայտարարեց Ռուսաստանի գիտությունների ակադեմիայի ընդհանուր գենետիկայի ինստիտուտի տնօրենի գիտության գծով տեղակալ, կենսաբանական գիտությունների դոկտոր Եվգենի Պլատոնովը: - Հավանաբար հենց իմպրինտինգի հետ է կապված կաթնասունների կլոնավորման հիմնական դժվարությունները: Մենք անկեղծորեն ուրախ ենք ծապոնացի գործընկերների հաջողության համար, դա լուրջ նվաճում է:

Ընդհանուր գենետիկայի ինստիտուտի գիտնականները նույնպես աշխատում են պարտենոգենեզի ուղղությամբ. գենետիկայի զարգացման լաբորատորիայում ստացան մկների սաղմեր, որոնք ապրում են մինչև 19 օր (մկների իդիոլոյունը տևում է 20-21 օր): Բայց ճապոնացիների գործադրած գենային նոկաուտի (հաղթահարում) մեթոդը ավելի արդյունավետ եղավ: Ենթյունն այն էր, որ մի ձվաբջիջը բեղմնավորում էին մեկ ուրիշով, նախապես այն նմանեցնելով սպերմատոզոիդի: Դրա համար նրա մեջ «փորում» էին ԴՆԹ-ի մի փոքր տարածություն, որից հետո ակտիվացվում էին երկու «հայրական» գեներ, որոնք սովորաբար ձվաբջիջում սկսված են: Գիտնականների համար հետաքրքիր էր նաև այն հանգամանքը, որ այդ նպատակների համար վերցվում էր ոչ թե հասուն, այլ նորածին մկնիկի ձվաբջիջը, որի (մկնիկի) ոչ բոլոր «մայրական» գեներն են ակտիվ: 457 փորձերից միայն երկուսը հաջողվեց, բայց դա էլ էր սենսացիա:

Գենետիկների հաջողությունը մեզ դարձնում է դեպի այն թեմաներ, որոնք, թվում է, վաղուց դուրս են մնացել գիտության տեսադաշտից: Օրինակ, հին և հանդուգն այն վարկածը, թե անարատ ծնունդ Զրիստոսը իրականում կին է եղել՝ պարտենոգենեզի դեպքում կարող են միմիայն կանացի սեռի արարածներ ծնվել, որովհետև տղամարդկային իգրեկ քրոմոսոմներ սերնդի մեջ չկան:

- Հնարավոր է, որ այժմ կարող ենք այլ կերպ դիտարկել ամազոնոիդների ցեղի գոյությունը, - կատակում է Վյաչեսլավ Տարանտովը՝ ՌԳԱ մոլեկուլյար գենետիկայի ինստիտուտի տնօրենի տեղակալը: - 21-րդ դար, եթե պարտենոգենեզը հնարավոր է լաբորատոր պայմաններում, ինչու՞ նման բան չի կարող պատահել մարդու մեջ պատահական մուտացիայի արդյունքում:

Բայց, թող տղամարդիկ չշտապեն վշտանալ: Առանց նրանց մասնակցության երեխաների ծնունդի մասին չարժե նույնիսկ խոսել: Եվ հետո՝ թափով գիտափորձեր են կատարվում նաև առանց իգական սեռի մասնակցության սերունդ ստանալու վերաբերյալ: Դա էլ կոչվում է անդրոգենեզ: ՌԳԱ Կոլցովի անվան կենսաբանության ինստիտուտում ձկների վրա այդ գիտափորձերը կատարում են կենսաքիմիական սաղմնաբանության լաբորատորիայի ավագ գիտաշխատող Աննա Գրունինան և գործընկերները: Ձկնկիթից անջատում են էգի գենետիկական մյուկը և նրա սաղմով բեղմնավորում են երկու արուի: Միաձուլվելով, սպերմատոզոիդները կազմում են նորմալ սաղմնաբջիջներ, որոնցից աճում են երկու սեռերի ամենասովորական ձկներ:

Այդ գիտափորձի մեջ հազվադեպը կամ եզակի երևույթն այն է, որ թառափազգի սկրյուգայի ձկնկիթից մեր գիտնականներն աշխատում են առաջինը ստանալ ձկան այլ տեսակի, որն իր չափերով բավական խոշոր է «մայրիկից»: Ճշմարիտ է, գիտնականները ստիպված չեն հաղթահարելու ձկների գենային իմպրինտինգը, բայց գլխավորը՝ գործի սկիզբն է:

Թարգմանությունը՝ Զ. ՉԱՏԻՆՅԱՆԻ




-Ես նույնպես
հայր չունեմ...

ԳԻՏՈՒԹՅԱՆ ՏԱՐԲԵՐ ՄԻՋՈՐԵԱԿԱՆՆԵՐՈՒՄ



ԵՐԿՅԱՐԿԱՆԻ գեղեցկուհի «Խոկուլեան» հանգիստ լողում է հաղաղ օվկիանոսի ծփանքի մեջ: Թեև հաղաղ է նրա անունը, բայց օվկիանոսը նաև բավականին անհանգիստ է լինում: Այդ հաշվի են առել հին դարերի նավաշինարարների փորձն ուսումնասիրած այսօրվա նավաշինարարները: Զե որ «Խոկուլեի» նախագծողները կրկնել են հնագույն ինժեներների սկզբունքները:



«Խոկուլեայի» արշավախումբը

Հին նավաշինարարների կառույցը 1200 տարի առաջ հնարավորություն տվեց պոլինեզիներին հատել հաղաղ օվկիանոսը և հասնել Հավայան կղզիներ:

Այդ հորելյանի առիթով հավայցի մի խումբ նավաշինարարներ, պատմաբաններ և նավաստիներ ստեղծեցին ծովագնացների մի ընկերություն, որն էլ հնա-

գույն նախագծերով կառուցեց 18 մետրանոց մի նավ և այն անվանեց «Խոկուլեա» («Խոկուլեա» կամ «Ուրախության աստղ» - դա զենիթում գտնվող Արկտուր աստղի պոլինեզյան անվանումն է): Նավաշինարար գիտնականները որոշեցին կրկնել իրենց նախնիների ճանապարհորդությունը և անցնել Հավայից մինչև

Թաիթի 5000 կիլոմետր ճանապարհը: Նրանց ուղեցույցը ժամանակակից տեխնիկան չէր, այլ, ինչպես իրենց նախնիներին, նրանք կողմնորոշվում էին միայն աստղերով:

Եվ ահա, «Խոկուլեա» նավը, հաղթահարելով օվկիանոսի ալիքները և կողմնորոշվելով աստղերով, մոտենում է Թաիթիին: Հազարավոր քաղաքներ ցնծալից ընդունելություն են ցույց տալիս նավագնացներին: Տեղին է ասել 1200 տարվա ընթացքում թեև փոխվել են նավաշինարարության միջոցներն ու տեխնիկան, մույն է մնացել աստղալից երկինքը, որն էլ օգնեց ժամանակակից նավագնացներին հաջողությամբ կրկնել իրենց հեռավոր նախնիների ճանապարհորդությունը:

Կորսված փապանի որոնողը

Ի՞նչ կմտածեք դուք մի մարդու մասին, որը գտել է Արթուր քաղաքի Կլոր սեղանը, կամ, ասենք Տրոյական ձիուն: Լավագույն դեպքում նրան կատակասերի մեկը կհամարենք, կամ ավելի ձիշտ՝ աննորմալ: Նման մի «աննորմալ» այժմ ապրում է Իտալիայում, և իր իսկ խոսքերի համաձայն, գտել է ոչ թե սեղան, կամ ինչ-որ ձիուկ, այլ, ոչ ավել, ոչ պակաս՝ Նոյան տապանը:

Միլանից ոչ այնքան հեռու գտնվող Տրեկատե փողոցի քաղաքում ես հայտնվեցի միանգամայն պատահաբար: Հիշելով երբեմնի հրավերի մասին, ես գտա Բոիտո փողոցի վրա գտնվող N 9 տունը: Դուռը բացեց տանտերը՝ Անժելո Պալեզոն՝ իտալացի լեզնդար ծանապարհորդը: Ընդհանրապես Ապենիններում «ծանապարհորդ»-ի մասնագիտությունը համարյա ոչ ոք չի զարմացնում: Բայց Անժելոն իր տեսակի մեջ միակն է: Այդ մարդը 12 անգամ բարձրացել է Արարատի գագաթը և միայն մի նպատակով. գտնել Նոյան տապանը և համայն աշխարհին ներկայացնել իր դարակազմիկ գտածոն: Դե, ի՞նչ «դարակազմիկ», նման երևույթի համար դժվար է նույնիսկ անուն գտնել:

Պալեզոն այդ գաղափարով տարվել էր լրջորեն: Նախ և առաջ նա ձեռք գարկեց Ավետարանի ուսումնասիրմանը և հենվելով Սուրբ Գրքի տեքստի վրա՝ մանրակրկիտ հաշվարկումներ կատարեց, թե մոտավորապես որ բարձրության վրա կարող էր կանգ առնել տապանը և որտեղ է պետք փնտրել այն: Լուրերն այն մասին, որ մարդիկ, տարբեր ժամանակներում տեսել կամ փորձել են տեսնել տապանը, նրան հանգիստ չէին տալիս: Ի վերջո Կտակարանի շատ դեմքեր ու դեպքեր իրական էին, ինչո՞ւ պետք է այդ կոնկրետ հասցե ունեցող երևույթը (Մեծ ու Փոքր Արարատներ) մնար գաղտնի՝ անհայտության թողով ծածկված: Իսկ Ավետարանում շատ պարզ գրված է. «...Յոթ օրից հետո քրիեղեղն սկսեց և քառասուն

օր ու քառասուն գիշեր չդադարեց: Ջուրն այնքան բարձրացավ, որ տապանը մակերեսին լողալ սկսեց: Ջրիեղեղն այնքան ուժեղ էր, որ բոլոր բարձր սարերը ծածկվեցին, ու այն ամենն, ինչ շնչում էր՝ մեռավ: Մնացին միայն Նոյն ու նրանք, ովքեր իր հետ տապանի մեջ էին:

Ջրիեղեղը վերջացավ, ու Ջուրն աստիճանաբար պակասել սկսեց: Նոյի տապանը կանգ առավ Արարատ սարի վրա»:

Ջուզահեռաբար նա որոնում, գտնում էր տարբեր ծանապարհորդների նոթեր, գրառումներ, հուշեր, որոնք կատարվել էին անցած դարերում, և պատկերացրեց, գտավ հիշատակումներ տապանի հավերժական կանգառի մասին Մեծ Արարատի վրա: Մ.թ.ա. 275 թվականին պարսիկ մի պատմագիր նկարագրում էր մի ուխտագնացություն, որը ձգվում էր դեպի Լեռան լանջերը, որպեսզի այնտեղ իջևանած տապանից մասունքներ տանեն իրենց հետո: Տապանի մասին է հիշատակում նաև ճշմարտորդ վեներիկցի վաճառական Մարկո Պոլոն, որն այդ կողմերում եղել է 13-րդ դարում...

1985 թվականին Անժելո Պալեզոն գործի անցավ: Կնոջը հայտնեց, թե Վենետիկ է գնում մորն այցելության, մորն ասաց, թե մեկնում է Լեռները, բայց ուր՝ չճշգրտեց, իսկ ինքն ուղղություն վերցրեց դեպի Արարատ, որպեսզի հավի, շոշափի, հաղորդակցվի առասպելական Լեզնդներից ամենահրապուրիչին, ամենաառեղծվածայինին: Նախ օդանավով, հետո ավտոմեքենայով նա հասավ Լեռանը, բայց ավաղ, որոնումներն անհաջող էին:

Դրանից հետո Պալեզոն մոլագարի համառությամբ մղվում էր դեպի Արարատ: Նա սարի լանջերով վեր էր մագլցում հռչակավոր Ռեյնհոլդ Մեսսների հետ, գերի էր ընկնում քրդերի ձեռքը, փրկվում էր կատաղած արջի ծանկերից, քնում կարիճների և թունավոր օձերի մեջ, ապրում մի տանիքի տակ ավազակների հետ: Ինչ զոհաբերություններ չես կատարի համուն ծշմարտության որոնումների...

Եվ այդ փորձություններն իզուր չէին: 1989 թվականի հուլիսի 11-ին կատարվեց այն, ինչին մեր հերոսը ձգտում էր երկար 8 տարիներ: Հեղվից դիտելով

Մեծարգո պարոն

«Գիտություն» թերթի ս/թ N 9-ում հրապարակվել է «Գրականության դասականները» 25 բառով» հոդվածը, որը վերաբերում է կրթության օպտիմալացման ծրագրին: Ծրագրի կենսագործումը հնարավորություն է տալիս առավել հստակ պատկերացնել միջոցառման նպատակն ու հետևանքները: Խմբագրությունը շնորհակալ կլինի, եթե Դուք արձագանքեք մեր հրապարակմանը և Ձեր նկատառումները հայտնեք մեզ:

Կանխավ՝
շնորհակալություն:
«Գիտություն»
թերթի խմբագրություն



Ենթ. ցեղակից ենք...

Հակառակ ընդունված այն կարծիքին, թե սևամորթներն ու սպիտակամորթները մարդկային զարգացման տարբեր ճյուղերի ներկայացուցիչներ են, ԴՆԹ-ի գյուտն ու նրա ուսումնասիրությունները ցույց տվեցին, որ դա այդպես չէ. անգլիական «Նյու Սայնս» գիտական հանդեսը, անդրադառնալով այդ խնդրին, նշում է, որ համաձայն «ԴՆԹ-ի տվյալների, սևամորթ աֆրիկացիներն ու սպիտակամորթ եվրոպացիները ավելի մոտ են մեկը մյուսին, քան մույն շենքում ապրող երկու սպիտակամորթ հարևանները»: Այնպես, որ հարգելի բարձրահասակ ընթերցող, այս լուսանկարում պատկերված զածա՝ պիգմեյները քո ցեղակիցներն են, անկախ հասակից և գույնից:

Ճշմարիտ առասպելներ

Հենրի Ֆորդ

Այս մարդու անունը, բերան, մոլորակի ամենահայտնի անուններից մեկն է: Շատ-շատերի համար այն դարձել է հաջողության խորհրդանշան: Եվ ամենակարևորը, այդ անունը դժվար է անջատել ավտոմեքենաների աշխարհահռչակ մակնիշից: «Ֆորդ» անունով միլիոնավոր ավտոմեքենաներ այսօր երթևեկում են մոլորակի 5 մայրցամաքներում: Ամերիկացիների համար Հենրի Ֆորդը մարդ-առասպել է, բնածին ձուլածո ուսկի, ազգային հերոս: Գերհարուստ այս մարդը ամենակարող էր, անսահմանափակ հնարավորություն ուներ անել՝ ինչ ցանկանա: Եվ, այնուամենայնիվ, նրա կյանքը եղավ մի մեծ դրամա: Նա հասավ առասպելական հաջողությունների, սակայն, ինչպես երևում է, այնպես էլ իսկական երջանկությունը անհասանելի եղավ նրան:

Հենրի Ֆորդի հայրը Ամերիկա գաղթեց Յուկոնից, հացի փող անգամ չուներ: 1847 թվականն էր: Հենրին լույս աշխարհ եկավ 1863 թվականին, երբ հայրը արդեն ունեւոր ֆերմեր էր: 12 տարեկան էր, երբ մայրը 8-րդ երեխան ունենալիս հրաժեշտ տվեց աշխարհին:

Ամբողջ կյանքում Հենրի Ֆորդը անսահման քնքշանքով էր խոսում մոր մասին և հաճախ էր կրկնում. «Ես ձգտում եմ ապրել այնպես, ինչպես որ կցանկանար իմ մայրը»: Տղայի կյանքում բախտորոշ եղավ մի դիպված: Մի անգամ հոր հետ սայլով գնալիս, նա ճանապարհին հանդիպեց շոգեշարժիչով աշխատող մի անձնուհի մեքենայի, որ ծուխ ու մուր անելով և սարսափելի դողողով սողում էր ճանապարհով. այդ օրը նա որոշեց իր անելիքը: Ավտոմոբիլային գործ հաստիկ չսովորեց, սակայն Ֆորդը ոսկե ձեռքեր ուներ և պայծառ գլուխ: Շրջակայքի ֆերմերները նրան գիտեին որպես հմուտ և տաղանդավոր մեխանիկ: Գործի բերումով Ֆորդը հաճախ էր գնում Դեթրոյտ: Այս ինքնակալային այն ժամանակ գտնվում էր Մեծ լճերի ափին: Այդպիսի ուղևորություններից մեկի ժամանակ էլ նա տեսավ գերմանացի գյուտարար Օտտո Լիկոլաուսի բեմգիծով աշխատող շարժիչը: Ամերիկացիները այն կարևոր գործուն էր, ինչ անհրաժեշտ էր ինքնաշարժ մեքենայի համար:

Ֆորդի գլխում ամեն ինչ պատրաստ էր:

Նա ձեռնամուխ եղավ իր առաջին ավտոմեքենայի ստեղծմանը: Մոլի գյուտարարը աշխատում էր օր ու գիշեր, մոռանում անգամ ուտելը: Եվ ահա 1896 թվականի հուլիսի 4-ին նա իր առաջին մեքենայի ցնուլը դուրս բերեց փորձարկման:

Նրա երկրորդ ավտոմեքենան լույս աշխարհ եկավ երկու տարի անց, և սա արդեն նման էր իսկական ավտոմեքենայի: Այն ցնցող տպավորություն թողեց: Իսկ ուղիղ մեկ տարի հետո Դեթրոյտում սկսեց գործել առաջին ավտոմոբիլային կոմպանիան, որի ղեկավարն էր Հենրի Ֆորդը: Կոմպանիայի գործունեությունը մորթ քափ ստացավ, երբ 1904-ին Ֆորդի ավտոմեքենաներից մեկը հաղթեց ավտոմեքենայի մրցումներում: 1904-ին Ֆորդը ծախեց 650 ավտոմեքենա:

Նա իր արտադրությունը կողմնորոշեց գլխավորապես դեպի շաքարային, մասսայական գործընթաց և շահեց: Հուտով Ամերիկայի ճանապարհներից հայտնվեց փառաբանված «Ֆորդ-T» մոդելը՝ պարզ, հուսալի, արագընթաց և ամենակարևորը՝ ոչ թանկ. «Իմ ավտոմեքենան հասանելի է քիչ քե շատ լավ վաստակող յուրաքանչյուր քաղաքացու համար»: Եվ դա այդպես էր: Չուր չէ, որ նրա մասին սկսեցին ասել՝ «Ֆորդը ավտոմեքենա ստեղծեց ամբողջ աշխարհը»:


Հուտով Ֆորդը իրականացրեց մի ծրագիր, որ իսկական հեղափոխություն էր ավտոմոբիլային արդյունաբերության մեջ: Նա

ներդրեց հոսքագծային սկզբունքը: Արդյունքը եղավ այն, որ 1921 թվականին Ֆորդի հոսքագծերից իջավ հինգ միլիոներորդ ավտոմեքենան:

Ֆորդը հասավ ֆանտաստիկ հաջողությունների, նույնքան ֆանտաստիկ էր օրի աճող նրա անբավ հարստությունը: Սակայն կար մի խնդիր, որ անուծելի եղավ ավտոմոբիլային արքայի համար: Ոչ մի կերպ չէր հարթվում, չէր ջերմանում նրա հարաբերությունը միակ որդու՝ Էդսելի հետ: Ու թեև նրան էր վստահել իր կայսրության պրեզիդենտի աթոռը, սակայն չէր դադարում նրան դիտողություններ անել, սովորեցնել հա սովորեցնել: Նրան քվում էր, թե կոփում, պատրաստում է իսկական գործարար արտադրության արքա, մինչդեռ որդուն պատժառում էր անսահման տառապանքներ: Հետևանքը եղավ այն, որ Էդսելը 50-ը չբոլորած մահացավ: Եվ միայն որդու մահից հետո Ֆորդը գիտակցեց իր մեղքը սիրած տղայի նկատմամբ:

Մոլորակի ավտոմոբիլային արդյունաբերության ամենահզոր արքաներից մեկի անսպասելի ճակատագիր իր տեղը գիշեց անտարբերությանն ու անգործությանը: Տարիքն առած Ֆորդը ներփակվեց իր մեջ և փաստորեն հրաժարվեց բոլոր գործերից: Կոմպանիայի պրեզիդենտի աթոռը զբաղեցրեց թողը՝ նույնպես Հենրի Ֆորդ: Հենրի Ֆորդ երկրորդի օրոք կոմպանիան մոր կյանք ստացավ և բուռն վերելք ապրեց:

Հենրի Ֆորդ ավագը 84 տարեկան էր: 1947 թվականի ապրիլի 7-ին Միչիգանում, ուր ապրում էր հոշակավոր Ֆորդը, ծանծաղի, չդադարող անձրև էր մաղում: Վառել էին բոլոր բոլորակները: «Այսօր ես լավ կքնեմ», ասաց Ֆորդը և սովորականից շուտ ուղղվեց ննջարան: Ուշ գիշերին նրա անսահման սիրելի կինը՝ Կլարա Ֆորդը, որի հետ ամուսնացել էր Ֆորդը համարում էր իր ամենաերջանիկ ընտրությունը, ինչ-որ ներքին տագնապի նախազգացումով բժիշկ հրավիրեց տուն: Սակայն արդեն ուշ էր. ննջարան մտնելով, նրանք մոլորակի առասպելական ավտոմոբիլային արքային գտան մեռած:



Գերնոր աստղերի անցյալը

Ֆրանսիացի աստղագետները արդեն 30 տարի է հետազոտում են Հարդագողի համաստեղության երկու մարմինների բախումը, որից կարող է ծնվել մոր գերհզոր աստղ: Գիտնականներն այն կարծիքին են, որ տիեզերքում ամեն օր ծնվում են մոր աստղեր ու մահանում հմերը: Բայց ինչորոշացիան դրանց մասին կարող է մեզ հասնել գուցե միլիոն տարի հետո: Հենց այդ 30 տարվա սպասումները, ինչ իմանա սուղեց միլիոն տարվա տարիք ունեցող երևույթների արձագանքներ են միայն: Սակայն ինչ էլ լինի, դա աստղագիտության համար անգնահատելի տեղեկատվություն է լինելու:

Կորսված...

սառցալեռը Պալեոգեն 4300 մետր բարձրության վրա տեսավ միմյանց համարյա զուգահեռ երկու խոր ձեղք, որոնք գծագրվում էին սառույցների մեջ: Նրանք թվում էին ուղղանկյան երկու ուղիղ կողմեր, իսկ ինքը՝ ուղղանկյունը, հիշեցնում էր մի վիթխարի փայտե կառուցվածքի մաս: Այդ ժամանակ սառցալեռի վրա բարձրանալ չհաջողվեց՝ ձնահոսքերի պատճառով, բայց Պալեոգենի հաջողվեց ենթադրյալ տապալանը նկարահանել: Նրա չափերը՝ հարյուրը քսանհինգի հարաբերությամբ, միանգամայն համեմատելի էին առասպելական նախանմուշի չափերին: Հաջորդ ուղևորություններից նա, որպես ապացույց, փայտի նմուշներ բերեց, և ճադիոհզոտոպային փորձագետները դրանց վերագրեցին մ.թ.ա. 2-րդ հազարամյակի սկզբներին...

Բայց գիտական աշխարհը չի շտապում ընդունել Ամժելի գտածոն: Մի կողմից հասարակայնությունը ցանկանում է սեփական ձեռքերով շոշափել այն, մյուս կողմից՝ չի ձգտում մասշտաբային էքսպեդիցիայի համար դրամ տրամադրել: Պալեոգեն մի հույս էլ ունի. դրանք ռուս օդաչուների մասին փաստաթղթերն են, որոնք պատմում են, թե ինչպես նրանք 1916 թվականին Արարատի լանջին հայտնաբերել են անհասկանալի մի օբյեկտ, որը նման է եղել բազմահարկ տան: Նիկոլայ 2-րդ թագավորը լսելով զեկույցը, արշավախումբ է ուղարկում 4300 մետր բարձրության վրա գտնվող այդ առարկան ուսումնասիրելու: Նույն թվականի ամռանը Արարատ են բարձրանում ռուս զինվորականները: Նրանք ոչ միայն գտնում են առեղծվածային փայտե կառուցվածքը, այլև ներս են քափանցում և նույնիսկ չափումներ են կատարում: Բացի այդ, տապանում (իսկ դա

անշուշտ տապան էր) ռուս զինվորները տեսան փոքրիկ սենյակներ և վիթխարի դահլիճներ: Թագավորը ցանկանում էր ևս մի արշավ էլ ձեռնարկել, բայց սկսվեց հեղափոխությունը: Փաստաթղթերը անհետացան արխիվների հետ, և այժմ Պալեոգեն վիթխարի ջանքեր է գործադրում, որպեսզի ինչորոշացիայի փշուրներ հավաքի, որոնք լույս սփռեն այդ հազվագյուտ գտածոյի պատմության վրա:

Անդադրում հետախույզը համոզված է, որ շատ բան պահպանված է: Նա հաստատեց, որ 1840 թվականին ժայթքած հրաբուխը տապանը սառցադաշտի հետ բաժանել է, և այդ ժամանակից կառուցվածքի երկու հսկայական ֆրագմենտը (մասերը) աստիճանաբար հեռանում են միմյանցից: Այնուհետև նրա ավելի փոքր մասը իր հերթին բաժանվել է դարձյալ երկու մասի: Եվ նրանցից մեկում այն հիշատակված սենյակներն են, որտեղ ըստ Պալեոգենի ապրել են Նոյն ու նրա ընտանիքը՝ բոլոր կենդանիների հետ: Պալեոգեն մոր արշավախումբ է հավաքում: Բարդություններ շատ կան. թուրքական իշխանությունները քրդերով բնակեցված տարածքներ մուտքը խիստ դժվարությամբ են թույլատրում արտասահմանցիներին: Իսկ եթե Ամժելուն, այնուամենայնիվ, այնտեղ ընկնի, նրան դարձյալ վիճակված է բազմաթիվ դժվարությունները հաղթահարել միայնակ: Հիմնահարցերի մեծ մասը կարող էր ուղղաթիվել լուծել միանգամից, բայց ո՞վ է նրան տրամադրելու այդ շքեղ նվերը: Ամժելու Պալեոգենի մի հարց էլ է անհանգստացնում. մեկնել Մոսկվա և համընթացաբար պատմել իր գտածոների մասին: Գուցե, այնժամ, ինչ-որ բան հայտնաբերեն այնտեղի արխիվներում:

Իսկ մինչ այդ Ամժելուն ստիպված է ապրել «աննորմալ» ճանապարհորդի կասկածելի փառքով և հույսը դնել միայն իր վրա: Հաջողություն ցանկանալու նրան:

Սերգեյ ԻԵՉՈՒԻՏՈՎ

Հոռուտ օդաչուի հետախույզը փնտրում էր քրդակից

Ուշաթափվող այծեր



Այս արարածները կարծես բարձրաշխարհիկ տիկիների տնազն են: Ամեն ուժ հարմար պահի՝ նրանք վերցնում և ուշաթափվում են:

Հայտնի ճշմարտություն է. 19-րդ դարում բարձրաշխարհիկ ընդունելությունների և պարահանդեսների ժամանակ ազնվատոհմիկ տիկիները սովորություն ունեին պատեն-անպատեն ուշաթափվել լինել: Դրա պատճառը չափից դուրս սեղմող լանջակալներն էին կամ իրենց վրա տղամարդկանց հատուկ ուշադրությունը հրավիրելու ցանկությունը: Վերջերս պարզվեց, որ ուշաթափվել կարող են ոչ միայն հմայի կանայք, այլև... այծերը:

Միոթոնյան (ուշաթափվող) այծերը ամերիկյան հազվագյուտ տեսակ են: Դրանց մասին առաջին անգամ խոսվեց 19-րդ դարի 80-ական թվականներին: Իսկ հարյուր տարի անց, 20-րդի 80-ականներին, դրանք քիչ էր մնում իսպառ անհետանային երկրի երեսից:

Պատմությունն ասում է, որ այծերի այդ տեսակը առաջինը երևաց ԱՄՆ-ի Թեննեսիի մահանգում: Որտեղից բերվեցին դրանք, ինչպես հայտնվեցին Ամերիկայում՝ ստույգ հայտնի չէ: Միայն փաստ է, որ դրանք սկզբում ընդամենը չորսն են եղել:

Միոթոնյան այծերը հոշակված են գենետիկ մի գարմանալի և հազվագյուտ հիվանդությամբ: Երբ նրանք զարմանում են կամ վախենում, նրանց մոտ առաջանում է մկանների լիակատար կաթված, և կենդանին բացարձակապես կորցնում է շարժելու ունակությունը: Ըստ որում, կենդանին ոչ մի ցավ չի զգում և չի կորցնում գիտակցությունը: Հասկանալի է այդ վիճակում նա չի կարողանում մնալ ոտների վրա և տապալվում է գետին:

Այս հատկության համար էլ ԱՄՆ-ի շատ նա-

հանգներում դրանց կոչում են նաև «նյարդային այծեր»: Նյարդային այծերը սովորաբար այծերի ճարակությունն ու արագաշարժությունը չունեն, և երևի այդ պատճառով 40 տոկոսով ավելի հասունիկ են իրենց սովորական ցեղակիցներից: Այլ խոսքով՝ մաստու ցեղ են:

Երբ է ուշաթափվում այս զարմանալի զգայուն այծը. անմիջական վտանգ կյանքի համար, չափից շատ հացահատիկային կեր, և երբ կողքին հայտնվում է հակառակ սեռի գեղեցիկ արու կամ գեղեցկուհի:

Այս հանգամանքներից ամեն մեկը կենդանուն ուշաթափ է անում, և 10-15 վայրկյան նա անշարժ թավալվում է գետին:

Ուշաթափության հիվանդության այս առանձնահատուկ գենը սույն այծերի մոտ ժառանգաբար փոխանցվում է սերնդից սերունդ:

Սակայն այս երկար տարիների ընթացքում ուշաթափվող այծերի զխավոր արծեքը նրանց առատ մատվությունը չէ: Ոչխարաբույծ շատ ֆերմերներ սերնդե սերունդ այդ թվաքանակներին օգտագործում էին չափազանց անբարո և ստոր նպատակով: Փոխանակ շներ և մարդիկ պահելու ոչխարի հոտերը պահպանելու համար, նրանք յուրաքանչյուր հոտում պահում էին մի «նյարդային այծ»:

Երբ անտառից կամ ինչ-որ տեղից անսպասելի հայտնվում էր գիշատիչը, ճարպիկ ոչխարները փախչում էին այս կամ այն կողմ, իսկ դժբախտ այծը մեկնե ուշաթափ էր լինում և անշարժ տապալվում գետին: Գիշատիչը կամ գիշատիչները պատահաբար կարող էին խեղճ այծին, իսկ ոչխարի հոտը մնում էր անվնաս:

Այնպես որ ուշաթափվող այծերին հանգիստ կարելի է անվանել նահատակներ, կամ որ ավելի ճիշտ է, իսկական «քափության նոխազներ»:

Գիտություն

Գլխավոր խմբագիր՝ ՎԼԱԴԻՄԻՐ ՍՈՒՐԱՅԱՆ

Երևան-19, Մարշալ Բաղդամյան 24 դ,

հեռախոս՝ 56-80-14:

Դասիչ՝ 69268, գրանցման վկայական՝

448:

Ստորագրված է տպագրության՝

13.10.2004թ.

"ԴԻՏՅՈՒՆ" ("Hayka")

газета НАН РА

«ԳԻՏՈՒԹՅՈՒՆ»

թերթը հրատարակվում է հովանավորչական միջոցներով: